



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

Музыкальная


Библиотека

Музыкальная 1905

h. 4

891.99

14-28



ՆԵՊՈՒԴ ՁԱՐՈՒԹԻՒՆԵԱՆ ԽԱՉՊԱՆԵԱՆՑԻ
ԵՐԳԵՐԸ

„ՇԻՐՎԱՆԻ“

ԻՄ ՓՈՒԲՐԻԿ ԳԻՐԲԸ

Բ. ՏՊԱԳՐԱՆՔԻՆԸ

Հ Ա Տ ՈՐ Ա .



Վ. Ա. Ղ. Ա. Բ. Շ. Ա. Գ. Ա. Տ.

Տպարան Մայր Աթոռոյ Սրբոյ Էջմիածնի

1905

199
28

19 NOV 2011

ՂԵԿՈՆԻ ՅԱՐՈՒԹԻՒՆԵԱՆ ԽԱՂՊԱՆԵԱՆՑԻ ԵՐԳԵՐԸ

„ՇԻՐՎԱՆԻ“

ԻՄ ՓՈՔՐԻԿ ԳԻՐԲԸ

Բ. ՏՊԱԳՐՈՒՔԻ ԵՆ.

Հ Ա Տ Ո Ր Ա .



Վ Ա Ղ Ա Ր Շ Ա Պ Ա Ց

Տպարան Մայր Աթոռոյ Սրբոյ Էջմիածնի

1905

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

Дозволено цензурою 16 Ноября 1904 г. г. Тифлисеь.

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ


ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ



ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

ՀԱՅԿԱՍՏԱՆԻ ԿՐԹԱԳՐԱԿԱՆ ԿԵՆՏՐՈՆ

1905



* * *



Երցրու և կարգւ իմ փոքրիկ գիրքը,
Ձեռքիդ վարդ ու նունուֆար պիտի դառնայ,
Թէ աւելացել է քո ցաւն ու վէրքը,
Դիր ցաւերիդ վերայ ճար պիտի դառնայ:


Մի մարդ որ կողոպտէ, զրկէ ընկերին,
Նրանով պահպանէ իւր սրդիններին,
Նրա սրդիններն դուր չեն գալ Տէրին,
Նրանցից ինչ հայր ու մայր պիտի դառնայ:

Որո՞նք ցանես, ցորենի հասկ չի դուրս գալ,
Թուզի ծառից փուշ ու տատասկ չի դուրս գալ,
Չար լեզուից՝ լաւ, բարի խօսք չի դուրս գալ,
Չարիցը ծնւողը չար պիտի դառնայ:

Ծուռն պիտի գնայ իւր ծուռութիւնով,
Գործերն չի տանիլ իւր դիւրութիւնով
Անձն էլ կը խաւարէ իւր կուրութիւնով,
Մեղքն մեղքի վերայ սար պիտի դառնայ:

Ղևոնդ, ծուռն թողնելով իւր լսածը,
Էլի պէտք է անէ իւր ասածը,
Գու միշտ յիշիր քո ստեղծող Աստուածը,
Մարմինդ հող՝ նշանդ քար պիտի դառնայ:

— * * —



ՈՂ ՄԱՐԴ.



Ըվ մարդ թէ ընկել ես դու մեղքերի մէջ,
Մի ուշանար, շուտ ապաշխարող եղիր,
Քո դեղն կը գտնես սուրբ գրքերի մէջ,
Աշխատիր վերքերիդ դեղ ճարող եղիր:


Ստեղծողից խնդրիր մեղքիդ թողութիւն,
Առողջութիւն, և գործիդ յաջողութիւն,
Եղբայր, դու մի սիրիր երբէք գողութիւն,
Աշխատիր մեղքերէ դադարող եղիր:

Ուղիղ ճանապարհից երբէք մի ծուռիր,
Հարևանիդ, ընկերիդ հետ մի կռուիր,
Կեանքիդ խղճն, մեղքերի մէջ մի խրուիր,
Աշխատիր լաւ, բարի կեանք վարող եղիր:

Անգութ, ժլատ, չար մարդկանցից հեռացիր,
Աղքատ, անանկ, խեղճ որբերին տիրացիր,
Բարի, խելօք, լաւ մարդկանց ընկերացիր,
Աշխատիր բարի դորձ կատարող եղիր:

Սիրելիս, մի լինիր երբէք շատ խօսող,
Կամ շատերին մատնող և շատ բամբասող,
Եղիր բարի խրատների շատ լսող,
Աշխատիր լսող և կատարող եղիր:

Ղևոնդ, այս է քեզանից իմ խնդիրքը,
Որ չի կորցնես քո՝ բնական ձիրքը.
Գիշեր ցերեկ դու քո՝ այդ փոքրիկ գիրքը.
Աշխատիր խօսքերով դարդարող եղիր:



ՄԻ ՊԱՐԾԵՆԱՔ.



Զի պարծենաք հագուստներով փառաւոր,
Ձեզի ոչ մետաքսը ոչ շալ կը մնայ.
Այս աշխարհն ունայն է և անցաւոր,
Ոչ ցնծութիւն, և ոչ խնդալ կը մնայ:

Պատրաստուեցէք, թող ոչ ով չծուլանայ,
Ականջ արէք, թող ոչ ով չխուլանայ,
Կը դայ մի օր, ծնկներդ կը թուլանայ,
Ոչ զօրութիւն, ոչ շան, ոչ հալ կը մնայ:

Մի օր էլ կը կանգնի գլխիդ հոգեհան,
Հոգիդ կառնի, քեզ կը թողնի անկենդան,
Դու կը գնաս, քեզ հետ էլ և ամեն բան,
Լաւութիւն, վատութիւն, սուրբ տալ կը մնայ:

Անիրաւ, աներկիւղ, անմիտ ագահը
Ամեն օր փնտրում է իւր մարմնոյ շահը.
Շուտով մի օր վրա կը հասնի մահը,
Նորան էլ ոչ դովլաթ, ոչ մալ կը մնայ:

Ղևոնդ, դու պատրաստուիր կը դայ քո հերթը,
Վերադ կը կարդացուի հոգոցի թերթը.
Քեզ կը դնեն խօնաւ ու խաւար բերդը.
Հող կը դառնաս, վրադ մի սալ կը մնայ:



ՄԻ՛ ԾՈՒԻ ԼԱՆՍՐ.



Ը ի ծուլանար որդեակ, շուտ ելիր ստբի,
Արհեստ սիրէ, գործ սիրէ, ընկեր սիրէ,
Ուշ ու միտքդ տուր միշտ ժամի, աղօթքի,
Փամտուն սիրէ, վանք սիրէ, պատկեր սիրէ:

Վերկաց շուտով գնա դու ուսումնարան,
Կարգան Աստուածաշունչ և Աւետարան,
Թէ ուզում ես օրհնէ քեզ ամէն բերան,
Վարժարան սիրէ, վարժապետ սիրէ, ծեր սիրէ:

Էլ շատ մի ուշանար, բարձրացիր վեր կաց.
Տուն ու տեղիդ վերայ՝ իշխիր, և տէր կաց.
Քաջ-արի տղամարդ, խաղաղասէր կաց,
Հայրենիք սիրէ, եղբայր սիրէ, հէր սիրէ:

Սիրելիս, աշխատիր սուրբ գրքեր սիրելի,
Կարգան սուրբ խօսքերն՝ սրտիդ մէջ գրելի.
Յուսով և հաւատով Տիրոջը խնդրիր,
Յոյս սիրէ, հաւատ սիրէ, սէր սիրէ:

Ղևոնդ, շատ սէր մի տուր հագուստին՝ փողին,
Յանկարծ կը հասնի մահ, կը զոհուես հողին,
Նայիր բարձրին, միշտ փառք տուր Ստեղծողին,
Երկինք սիրէ, Աստուած սիրէ, Տէր սիրէ:

ՀՊԱՐՏ ՄԱՐԴՈՒՆ.



Մ Վ մարդ չավից դուրս էլ մի հպարտանար,
Պճնուած թանկագին ալ ու ատլասում.
Աշխարհիս ապրանքով շատ մի պարծենար,
Ականջ արա խօսքիս, տես ինչ եմ ասում:

Այս ապրանքն միշտ այստեղ մնացող է,
Մարդը նրան թողնող և գնացող է,
Սկզբիցն հող էր, վերջն էլ հող է,
Ամեն օր չի մնալ թանկագին խասում:

Այս աշխարհն շատ օրեր է անցրել,
Շատ գիտուններ և կուրեր է անցրել,
Քեզ նման անթիւ հիւրեր է անցրել,
Դու վերջինն ես հիմա քեզ է սպասում:

Արձակ, լայնատարած, մեծ տեղեր ունի,
Տեսակ տեսակ ազգեր և ցեղեր ունի,
Շատ մարդիկ, քաղաքներ և գեղեր ունի,
Դասաւորած պահած ամեն մի մասում:

Նա շատերին որսում ճամբու է դնում,
Նրանց տեղը նոր հիւրեր է ընդունում.
Ամեն օր շարունակ գալիս են գնում,
Դեռ աւելանում է, որ չի պակասում:

Շատին էլ իւր կարմիր օրերից զրկում,
Բռնում ու յաւիտեան կորուստ է զրկում.
Ամենքին է տանջում, մէկին չէ փրկում,
Ոմանց էլ կենդանի կեանքն է վնասում:

Մեր կեանքն հինգ օր է, կէս մասն սև է,
Չկարծես մինչև վերջ կարմիր կը տեւէ.
Չուր մի ընկնիր հպարտութեան հետեւէ,
Երբեմն էլ գանուիր ծովում և պասում:

Ղևոնդ, դու չես դառնալ խօսք կապող շայիր,
Դու քո իմացածն քեզ համար պահիր.
Այնպէս մարդու վերայ երբէք մի նայիր,
Որ հպարտ է, անձն միշտ վեր է դասում:

ԱՄԲԱՐԻՇՏ ՄԱՐԴՈՒՆ.



Վ մարդ, ամբարշտութիւնից փախիր, հեռացիր,
Ամբարշտութիւնը քո գլխիդ ցաւ կը դառնայ.
Այդ բնութիւնը սրտիցդ հանիր, մոռացիր,
Թէ չէ՛ ամբողջ աշխարհին չաւ կը դառնայ:

Չար գործերի մէջ երբէք ուրախ մի լինիր,
Հեռացիր չարիցն, անվախ մի լինիր,
Ամբարիշտ, խռովարար, խարդախ մի լինիր,
Խռովութիւնը գլխիդ՝ կռիւ ու դաւ կը դառնայ:

Այս աշխարհը մէկ ալեկոծման ծով է,
Մարդիկ կուգան, կերթան. մնացողն ո՞վ է.
Ով մարդկանց հետ կուռէ, և միշտ խռովէ,
Նրան տատանող ու խեղդող նաւ կը դառնայ:

Աշխատիր մարդկանց հետ միշտ սիրով վարուիր,
Ամբարշտից, չարից միշտ հրաժարուիր.
Քո ստեղծողիդ հնազանդուիր, խոնարհուիր,
Կը յաջողվէ բանդ, և լաւ կը դառնայ:

Կը գան ու կանցնեն կենացդ օրեր,
Կը հինանայ աչքիդ՝ քո ամեն նորեր.
Կը հանեն վրայիդ թանկագին շորեր,
Լաւ հագուստդ հինգ գաղ՝ կտաւ կը դառնայ:

Կը խաւարուի մի օր աչքիդ ամեն բան,
Կը մնաս վայր ընկած անշունչ անկենդան.
Քեզ կը տանեն և կը դնեն գերեզման,
Մարմինդ կը փտի, հող ու կաւ կը դառնայ:

Ղևոնդ, ով որ ամբարշտութեան մէջ կը լինի.
Դժոխքը նրան վառ ու անչէջ կը լինի.
Աշխարհս էլ կանցնի և վերջ կը լինի,
Նրա հոգին սատանին գրաւ կը դառնայ:

Մ Ա Ր Դ Կ Ա Յ.



արդ կայ՝ եթէ նրան մի անգամ ասար,
Կը հասկանայ նա՛ հազար մի անգամ.
Մարդ կայ թէ ասես էլ մի անգամ հազար,
Կը հասկանայ էլի դժուար մի անգամ:

Մարդ կայ գիտնական ստացած մեծ ուսում,
Խաւարիցը հեռու՝ ման կը գայ լուսում.
Շատ լուսմ է, կարծարօտ ու քիչ խօսում,
Ստացել է խելք ու հանճար մի անգամ:

Մարդ կայ՝ որի շատ սիրած բանը փող է,
Սուտ-սուտ երդումներով միշտ մարդ խաբող է.
Փողով հոգին ու հաւատը կը փոխէ
Եւ կը դառնայ կրակի պաշար մի անգամ:

Մարդ կայ՝ չի բարկանալ միշտ կը համբերէ,
Որ չի պահել, իւր թշնամուն կը ներէ,
Որբին, խեղճին, կպահպանէ կը սիրէ,
Եւ կստանայ անուն պայծառ մի անգամ:

Մարդ կայ՝ ինքն չի սիրի անել բարութիւն,
Այլոց էլ կը սովորեցնէ անել չարութիւն.
Չի ըմբռնիլ կեանք, մահ, ոչ էլ յարութիւն,
Նա վայր կը նկնի վատ ու վատթար մի անգամ:

Մարդ կայ՝ քանի որ կեանք ունի կենդան է,
Վատութեան փոխարէն լաւութիւն կանէ.
Իրա ունեցածից բաժին կը հանէ,
Կը կանաչէ ու կտայ բար մի անգամ:

Մարդ կայ՝ սիրտը դարձրել է լեռ քարի,
Ուշ ու միտքն տուել չար ճանապարհի,
Յետ չի դառնում շատ ամիսներ ու տարի,
Նրա սիրտն մտել է չար մի անգամ:

Մարդ կայ՝ մեղաւոր է, ունի շատ մեղքեր,
 Ապաշխարում է միշտ՝ ցերեկ և գիշեր,
 Գրիստոսն՝ ողորմած և մարդասէր,
 Կը տայ նրա ցաւերին ճար մի անգամ:

Մարդ կայ Մարդու Որդուն արծաթով ծախեց,
 Մատնեց, խաչեց և արիւնով շաղախեց,
 Կախաղանի վերայ ինքն իրան կախեց,
 Խեղդուեց ու գնաց խաւար մի անգամ:

Մարդ կայ մարդկանց՝ և աշխարհի Փրկիչ է,
 Երկնքի և երկրի լոյս քարոզիչ է,
 Օրէն հազար թէ փառք տանք նրան քիչ է,
 Եկաւ ու խաչուեց մեզ համար մի անգամ:

Մարդ կայ՝ Ղևոնդ, մեղաւոր և յանցաւոր,
 Ապաշխարիր դու էլ տեսնես մի լաւ օր,
 Այս աշխարհը ունայն է և անցաւոր,
 Կուրծքիդ վերայ կկանգնի քար մի անգամ:

Ա՛՛Խ Ի՞՛ՆՁ ԱՆԵՄ ԵՍ.



անկարծ ձեռքիս միջից թե առաւ թռաւ,
 Իմ թառլան թռչունս՝ ախ ի՛նչ անեմ ես:

Ուրախութիւնս վրաս սև արաւ դրաւ,
 Քանդեց գլխիս տունս, ախ ի՛նչ անեմ ես:

Օրս սեցուց, ինձի անճրագ թողեց,
 Այրեց լեարդս, սրտուժս կրակ թողեց,
 Քանդեց տունս իսպառ՝ աւերակ թողեց,
 Չնչեց իմ անունս, ախ ի՛նչ անեմ ես:

Սիրտս լցուեց բարձրացաւ սարի պէս,
 Շատ կոշտացաւ կարծրացաւ քարի պէս,
 Կեանքս մաշուեց, բարակացաւ լարի պէս,
 Միջից կտարուեց սիւնս՝ ախ ի՛նչ անեմ ես:

Գիշեր ցերեկ սիրտս հալում մաշում եմ,
 Ոչ ուտում, ոչ խմում և ոչ ճաշում եմ,
 Անհամբեր ճամբէքին ես միշտ աշում եմ,
 Էլ չի տանում քունս, ախ ի՛նչ անեմ ես:

Հասաւ ձմեռ, ես մի հատիկ մնացի,
 Գարնանը անվարդ՝ անղատիկ մնացի,
 Ամառը գլխաբաց՝ բոբիկ մնացի,
 Խաւարուեց աշունս, ախ ի՛նչ անեմ ես:

Արի աղանեսակս, տես ո՛ւր եմ ապրում,
 Առանց քեզ հողեակս, ես զուր եմ ապրում,
 Սիրտս միշտ լալիս է տխուր եմ ապրում,
 Գնաց ուրախութիւնս, ախ ի՛նչ անեմ ես:

Ղևոնդս թռչունիս լաւ ճանաչելով,
 Չեմ դադարում երբէք՝ նրան կանչելով,
 Նրա համար անձս՝ կեանքս տանջելով,
 Ցավքեցաւ արիւնս, ախ ի՛նչ անեմ ես:

Խ Ա Ւ Բ Ե Բ Ա Յ Ա Շ Խ Ա Ր Հ.



Վ խաբեբայ աշխարհ անարդարադատ,
 Քանի մարդ խաբելով՝ գցար թողիդ մէջ,
 Ոչ լաւին լաւ ասար, և ոչ վատին վատ,
 Շատ թացերին էլ այրեցիր չորիդ մէջ:

Մարդկանց կրակեցիր բարձրացաւ բոցն,
Չկտրեցիր նոցանից քո լաց ու կոծն.
Բաց անելով քո մութ ու խաւար ծոցն,
Բոլոր հանդիպողաց խեղդար հորիդ մէջ:

Ոմանց խաբելով՝ մեղանշել թոյլ տուեցիր:
Որը մէկ տուն շինեց, դուն փուլ տուեցիր,
Որտեղ լաւ մարդ տեսար շուտ կուլ տուեցիր,
Ողջ արարած աշխարհ՝ առար փորիդ մէջ:

Դու շատերին քաղցրացնում ես գանձովդ,
Բռնում ու պինդ փաթաթում ես ցանցովդ.
Ուղածիդ պէս քշում ես քո սանձովդ,
Չգում մութ ու խաւար քո սև օրիդ մէջ:

Անհովիւ տեսնելով հովուեցիր հօտը,
Կամաց կամաց, մէկ-մէկ, կտրեցիր ոտը.
Այնպէս կորցրիր որ՝ չեկաւ հօտը,
Ղևոնդին էլ ձգեցիր խմորիդ մէջ:



Ա. Ն. Ի. Ս. Ի. Բ. Ա. Ղ. Գ.



Վ դու բազդ անիրաւ՝ և փոփոխական,
Այնչափ նեղանում եմ ես քո մի բանից.
Շատ յիմարներ դարձնում ես բանական,
Խելօքները շինում անբան անբանից:

Ում հետ հակառակուես, բանն կը ձախես,
Թանկ կեանք ու արևն էժան կը ծախես.
Բաներն կը խառնես և կը խարդախես,
Կը շինես աւարա ամենայն բանից:

Դու լաւ մարդկանց հետն միշտ թշնամի ես,
Կը դաս ու շուտ կանցնես, դատարկ քամի ես.


Դառն, թթու, տեսակ-տեսակ համի ես,
Անկարգ ու անկանոն՝ դուրս ես սահմանից:

Քեզ ո՞վ ասաւ այդքան անիրաւ դառնաս,
Գործս շինելու տեղ՝ գլխիս ցաւ դառնաս.
Ի՞նչ կը լինի մի օր փոխուես լաւ դառնաս,
Ազատես ինձ և դուրս բերես զնդանից:

Անօթ քեզ որ այսքան ժամանակ քնար,
Ինձ դրիր բանտ՝ ոչ սպանար ոչ հանար.
Քո այդ վատութիւնը քեզ էլ չի մնար,
Զրկեցիր ինձ հայրենիքից և տանից:

Օտար տեղ էլ դու միշտ սև արիւ օրս,
Մաս-մաս կանէի քեզ, թէ պատէր զօրս,
Անխղճմտանք, գոնէ խղճն եղբօրս,
Ո՛չ խեր տեսնես դու ահեղ դատաստանից:

Շատ մարդկանց ծանօթ ես, գիտեն անունդ,
Եթէ տեղդ գտնեն, կը քանդեն տունդ,
Խաչպանեանցս ասում եմ բնութիւնդ,
Հոգ չէ, թէկուզ նեղանաս էլ ինձանից:



(Նամակ իմ սիրելի հայր Յարութիւն Խաչպանեանցիւն,
Սաղիան գիւղի սանուսէր)



Մի քանի խօսքս գրում եմ կարճարօտ,
Մի վախենար հայր իմ կը ջանամ կը գամ.
Մնացել եմ քեզ ու հայրենիքիս կարօտ,
Քիչ տկար եմ, թէ առողջանամ կը գամ:

Հասցէ նամակս իմ հարազատ եղբօրս,
 Կարդան, մխիթարէ իմ ծերուկ հօրս,
 Ինձանից շատ բարև քոյրերիս, մօրս,
 Ձեր օրպիսութիւնն թէ իմանամ, կը գամ:

Այս րոպէիս ես անկողնում պարկած եմ,
 Խելագարի պէս՝ ձեռ ու ոտս պար կածեմ.
 Թէ ժողովեմ այս ցաւն մի պարկ ածեմ,
 Աստուծով անկողնից վեր կենամ, կը գամ:

Սրտով ցանկանում եմ քո ձեռն պագնեմ,
 Ուրախ լեր հայր, ես քո պարծանք ու թնայն եմ.
 Անկողնից վեր կենամ շորերս հագնեմ,
 Թէ ինձ առողջ տեսնեմ՝ ուրախանամ, կը գամ:

Գիշեր ցերեկ մահը իմ առաջին էր,
 Նոր ցաւեր ստացայ, մոռացայ հիներ.
 Անկարելի բան է, այդ պէտք է լինէր.
 Այս ցաւերից եթէ աչք բանամ, կը գամ:

Յուսով եմ դեռ հոգիս չառած հոգեհան,
 Էլ յետ արժանանամ ես մտնեմ Սաղիան.
 Այնտեղ պիտի թողնեմ իմ վերջին նշան,
 Միայն ուրախանամ, լիանամ կը գամ:

Իմ նամակիս մի պատասխան գրեցէք,
 Մէկ ուրախ լուր, կամ մի նոր բան գրեցէք,
 Սերս բարեկամք ինչպէս որ կան, գրեցէք,
 Ձեզանից մէկ նամակ ստանամ, կը գամ:


Խնդրում եմ միամտութեան մասին,
 Որպիսութիւն գրեցէք մեր տան մասին,
 Ես էլ չուտով կամ դատկին, կամ պասին,
 Սուրբ Յարութեան թէ արժանանամ կը գամ:

Հօրեղբօրս որդի ներսէսին ևս,
 Ձմռանաք յիշել իմ շատ բարևս.
 Ասէք որ սաստիկ հիւանդ եմ դեռ ևս,
 Այս ցաւովը թէ չմահանամ կը գամ:

Թէ գրելու լինեմ, ցաւերս շատ են,
 Գործերս ողջ թերի և անհաստատ են.
 Բժիշկը եթէ ինձ այս ցաւից ազատեն,
 Ուժ ստանամ մի քիչ զօրանամ, կը գամ:

Հազար ինն հարիւր՝ ամիսն յուլիս,
 Նամակս գրեցի ի քաղաքն Թիֆլիս,
 Բարի ճանապարհն բացուի առաջիս,
 Մինչև գարուն եթէ ողջ մնամ, կը գամ:

Մնամ նուստ ծառայ քո որդի Ղևանդ,
 Իմ հայրիկիս միշտ խոնարհ և հնազանդ.
 Քո կարօտով մնում եմ պառկած հիւանդ,
 Աղօթիր բժշկուեմ, լուանամ՝ կը գամ:




*
*
*



տեղծել է Հայ ինձ Աստուած,
 Մեղաւոր եմ վայ ինձ Աստուած.
 Այս դարդն տանել չեմ կարող.
 Շուտով մի մահ տայ ինձ Աստուած:

Յաւով լի հազար ջանս,
 Մահուան է յօժար ջանս.
 Տէր իմ, կամ կեանք պարգևիր,
 կամ թէ չուտով առ ջանս:



Ղ Օ Շ Մ Ա Յ.



տեղծողից յուսով խնդրում եմ մի բան,
Յոյս ունեմ խնդիրքս չմնայ անկատար.
Հոգս ու ցաւի ձեռից դառել եմ անբան,
Յուսամ որ Աստուած կտայ ինձ դադար:

Դիշեր ցերեկ նեղութիւն ու տանջանքը,
Կէս են արել ու մաշել են իմ կեանքը.
Յոյս ունեմ որ լսի իմ աղաչանքը՝
Նա՛ որ միայն ողորմած է և արդար:

Նա է միայն մեղաւորաց ներողը,
Նրանց սրտին ուրախութիւն բերողը.
Նրան յոյս կապողն ու համբերողը,
Մինչև վերջը չի մնալ անմխիթար:

Սիրաս լի ցաւերով մէկը միտից վատ,
Չարչարում են ինձի և տանջում են շատ,
Ո՛վ մարդասէր Փրկիչ՝ աշխարհիս մի հատ,
Խեղճ Ղևոնդիս ցաւին հասցրու մէկ ճար:

Ե Ր Գ.



մեն անգամ երբ յիշեմ իմ երկիրը,
Հառաչելով պիտի ախ քաշեմ լացեմ.
Եւ երգելով իմ սրտաշարժ երգերը,
Աղի արտասուքով աչքերս թացեմ.
Մտածում եմ, հառաչանքներ արձակում,
Արդեօք կլինի ինձ պէս անբաղդ արարած,

Թռչունի պէս վախուած տխուր վանդակում,
Խոնաւ ու մութ բանտի մէջ եմ բանտարկուած:

Տանջում է ինձի միշտ իմ խղճմտանքը,
Մի վայրկեան դո՛նէ չէ տալիս դադար,
Խաւարում է օրս, մթնում իմ կեանքը,
Ա՛խ եմ քաշում և հառաչում անդադար:

Դառն արտասուքը խեղդում է ինձի,
Վայր ձգում ցաւադար հիւանդի նման.
Յաւն զօրանալով՝ յաղթում է ինձի,
Արդեօք կայ մի օտար Ղևոնդի նման:

ՔԱՐՍՄԻ (Կամ դօճմայ)



ւմ պարտիզում որ անկեցի շատ ծառեր,
Չտեսայ նրանից ես մի բար անգամ,
Ում նուշ տուի, տուաւ ինձ քֆրանք, քարեր,
Որ ինձնից չէր լսել մէկ յիմար անգամ:

Տետրակ ուզողին տուի և իմ գրքերը,
Կարեացս չափ դարմանեցի վէրքերը.
Լուանալով ինձնից նա իւր ձեռքերը,
Յոյց չտուեց ինձ մի՛ գրչածայր անգամ:

Այնպէս մարդուց կրեցի ես վնասը,
Որից չխնայեցի իմ բաժին մասը.
Որն որ ինձանից ամենաողակաորը,
Լաւութիւն էր տեսել մի հազար անգամ:



Անունս Ղևոնդ է ես Շիրվանեցի,
Եօթը տարի օտար երկրում բանեցի.
Ում պարտիղում վարդ, մանուշակ ցանեցի,
Տեղն՝ չտեսայ մի սուսամբար անգամ:

Ա Չ Ք Ի Լ Ո Յ Ս.



Հքի լոյս, ասեցի քեզ՝ իմ արած ջանքը,
էս եմ անում, էս եմ անում, էս,
Ասեցի և քո մասին իմ քաղցր կեանքը՝
Կէս եմ անում, կէս եմ անում կէս:

Քանի անգամ քեզ նամակներ գրեցի,
Փորձանքներից քեզ զգուշացրեցի.
Անուն ու պատիւդ բարձրացրեցի,
Չես իմանում, չես իմանում, չես:

Մարդկերանցով լիքն է երկիր, աշխարհ լայն,
Ամենքն իրանց համար, ես ինչ կանեմ այն.
Ողջակէզ և մատաղ իմ անձս միայն՝
Քեզ եմ անում, քեզ եմ անում քեզ:

Խաւարեցրիր դու իմ կարմիր արևը.
Ամօթալի թողիր մարդկանց առջևը.
Կարմիրը դուրս՝ քեզի համար ես սևը՝
Ներս եմ անում, ներս եմ ներս:

Չխնայելով ես քեզանից իմ անձս,
Չոհեցի, փչացրի նաև իմ դանձս.
Իմացիր այս բանը՝ ես Խաչպանեացս՝
Ես եմ անում, ես եմ անում ես:

Դ Ո Ի Բ Է Ի Դ.



Որտ արարած աշխարհի՝
Լայն արևելքէն կը ծագէ,
Սիրան շատ բաներ կը խորհի,
Բուն բանը խելքէն կը ծագէ:

Մտքի յոյժ ազատութիւնը,
Կընդարձակէ գիտութիւնը.
Բնական վարդապետութիւնը՝
Մարդու սուր մտքէն կը ծագէ:

Ով պահէ նախնեաց սուրբ վարքը,
Նա կը մտնէ մարդկանց շարքը.
Մարդուս պատիւն ու փառքը,
Իրա սուրբ վարքէն կը ծագէ:

Հոգևով անբիծ անարատը,
Կընդունէ հարանց խրատը.
Բարի գործոց բուն արմատը՝
Ղևոնդ, սուրբ գրքէն կը ծագէ:

Ս Ի Բ Ո Յ Ե Ր Գ.



է կը սիրես դու քո եղբոր արևը,
Արի ինձ մի տանջիր, ով նազելի կոյս.
Մի կտրիր մեր քաղցր սիրոյ բարևը,
Քեզ եմ ապաւինել իմ կեանք և իմ յոյս,
Ով իմ հօտով ծաղիկ և անթառամ բոյս:

Քո սիրովը իմ սիրտս էլ վառուեցաւ,
Կրակ ընկաւ սրտիս մէջն այրուեցաւ.


Ուշ ու միտքս, խելքս գլխէս տարուեցաւ,
Իմ ցաւիս ճար անէ միայն Տէր Յիսուս,
Ով իմ հոտով ծաղիկ և անթառամ բոյս:

Քո անունդ տետրակիս մէջ դրել եմ,
Քաղցր կեանքս սիրոյդ ճամփին դրել եմ,
Ամեն տեղից սիրտ ու յոյսս կտրել եմ,
Միայն քեզնով պէտք է տեսնեմ ես էլ լոյս,
Ով իմ հոտով ծաղիկ և անթառամ բոյս:

Արի մանենք մենք մարդկութեան ասպարէզ,
Գնանք ման գանք կանաչ խոտեր ու պարտէզ,
Հագել ես նուրբ դեղին ծիրանի բեհէզ,
Կը խնդրեմ ինձանից շտաս խաբս ու խոյս,
Ով իմ հոտով ծաղիկ և անթառամ բոյս:

Քո սէրն ինձ արաւ քեզի հպտտակ,
Յուսամ քեզնով կատարուի իմ նպատակ,
Վաղ մի սպանիր ինձ անիր նահատակ,
Անմուրազ մի թաղիր ինձ խեղճ եղկելոյս,
Ով իմ հոտով ծաղիկ և անթառամ բոյս:

Ծնեալ տեղս է Շիրվան, անունս Ղևանդ,
Քո սիրովը զարկուած, պառկած եմ հիւանդ,
Թէ դաս ինձ տեսութեան, լինես հնազանդ,
Կընդունեմ քեզ ինչպէս իմ զոյգ աչքի լոյս,
Ով իմ հոտով ծաղիկ և անթառամ բոյս:



*
* *



Թը տարի անձիս չեմ ընդունել շահ,
Ընդունէի ես էլ փող կունենայի,
Ոչ զրկել եմ, և ոչ ձևացել ագահ,
Ձեմ ծառայել փողի և մամոնայի:

Ով բսած է ճշմարտութեան արմատից,
Կը հանէ մաս բաժին քչից կամ շատից,
Ունեցածը խեղճերից և աղքատից,
Նա ոչ կը թագցնի, ոչ կը խնայի:

Քարի գործերի մէջ սէր ունենալը,
Չէ միայն սպիտակ հեր ունենալը,
Ողորմած սիրտ՝ առատ ձեռ ունենալը,
Ոչ մեծի կը նայի, ոչ երեխայի:

Բարեհոգի մարդն միշտ ողորմած է,
Որտեղ մի խեղճ տեսնէ սիրտն կը լացէ,
Կը խղճայ իւր՝ առատ ձեռն կը բացէ,
Կուրախացնէ սիրտն, նաև կը շահի:

Ղևանդ, կուղեմ ժլատ մարդուց հարցնել,
Չի լինիլ նրան ուղիղ ճամբու դարձնել,
Նա գիտէ իւր սիրտն կձկիլ քարցնել,
Ոչ խեղճ կը ճանաչի և ոչ կը նայի:



Պ Ա Ն Դ Խ Տ Ի Կ Ե Ա Ն Ք Ի Յ



Վ սիրելիք ոչ սք պանդուխտ չլինի,
Սիրտ կը քանդէ հառաչանքն պանդխտի,
Գիշեր ցերեկ տխուր տրտում կը լինի,
Կը տանջուի, կմաշուի կեանքն պանդխտի:

Պանդուխտը ուր դիմէ մի տեղ չի գտնիլ,
Ոչ մի բան իւր ուզած համեղ չի գտնիլ,
Իւր վէրքերին դարման ու դեղ չի գտնիլ,
Ձուր տեղը կանցնի ջանքն պանդխտի:

Անշէջ է պանդխտի ցաւ ու կրակը,
Հայրենիքի հողն է միակ փափազը.
Յիշելով իրա ուխտ ու նպատակը,
Կը տանջէ միշտ խղճմտանքն պանդխտի:

Պանդխտի շարժմունքը կամաց կը լինի,
Սիրտը բարակ, և ձեռքը բաց կը լինի.
Ա՛խ կը քաշէ և իսկոյն լաց կը լինի,
Կարճ կը լինի համբերանքն պանդխտի:

Կերած հացը ցամաք ու չոր կը լինի,
Խմած ջուրը անհամ և չոր կը լինի.
Սիրտն լիբը, աչքն պղտոր կը լինի,
Երկինք կեղնէ աղերսանքն պանդխտի:

Եղբայր չունի, գնա սիրտը բաց անի,
Սրտի ցաւը եղբօրը իմաց անի.
Ամբողջ օրը կուզէ սուգ ու լաց անի,
Սուգ ու լացն է զբօսանքն պանդխտի:

Նշովք կը կարգայ օտարութեան վերայ,
Նայելով ապրուստի՝ դրութեան վերայ.
Կը մտածէ միշտ հայրենեաց, տան վերայ.
Զուր կը կորի աշխատանքն պանդխտի:

Կը հառաչի, կը արտասուի կը լացի,
Անկողինը արտասուքով կը թացի.
Ո՛ւմ գնայ աղաչի, ո՛ւմ դուռը բացի,
Ո՛վ կը լսի աղաչանքն պանդխտի:

Հիւանդանայ վրէն կը ծածկեն դուռը,
Դռնովը չեն մտնիլ ծնողքը, քոյրը.
Սրտով կը ցանկանայ եղբօր համբոյրը,
Շատ դժուար է հանգամանքն պանդխտի:

Մէկը չի լինի գնա հարցնի հալը,
Գիշեր ցերեկ հառաչանքն ու լալը.
Սև քարից դուրս կը գայ բախտ ու իղբալը,
Զի վերջանալ տառապանքն պանդխտի:

Թէ մեռնի՝ մայր չունի անէ լաց ու սուգ,
Քոյր չկայ որ վրէն թափէ արտասուք,
Եղբայր չկայ դագաղին տայ զարդ ու զուգ,
Աննշան է գերեզմանքն՝ պանդխտի:

Ա՛խ, պանդխտութիւնը շատ դժուար բան է,
Հայրենիքը քաղցր հանգստարան է.
Ղեռնդ խնդրիր Տէրից որ մի ճար անէ,
Էլ երկար չքաշես կեանքն պանդխտի:

Ա Յ Ք Ե Չ Օ Ր Ի Ն Ա Կ .

(Դօշամնայ)



Նհասկացող մարդուն թէ անես պատիւ,
Եւ գլխին էլ գնես գոհարազարդ թագ,
Կամ գափնեայ պսակ,

Շուտով ինքն իրան կանի անպատիւ,
Եւ գլխի պսակն էլ կտայ ոտի տակ.
Կը մնայ անդդակ:

Նա չի ջոկում արդէն իրա լաւն ու վատ,
Եւ չի էլ հասկանալ լու խօսք ու խրատ,
Ինչպէս քարէ արձան, կամ անդգայ պատ,
Զի լսի խօսքերիդ անթիւ անքանակ,
Ոչ մի ժամանակ:

Ով նրան ընդունի մարդու տեղ դնի,
Յաւ ու դարդին դարման անի դեղ դնի,

Պիտի նա յեա դառնայ վրէն մեղ դնի,
Թօսի դառը, թթու, անհամ անտեղեակ,
Եւ բոլորովին խակ:
Թէ նրան շատ պատուես, լաւութիւն անես,
Ձեռքից բռնես դառը վիճակից հանես,
Այնպէս կանէ դու ինքդ կը փոշմանես,
Եւ կտաս քո գլխիդ՝ երեսիդ ապտակ,
Երկար ու բարակ:

Թէ բերես նրան տաս քաղցր մեղր ու իւղ,
Կը կարծէ իրանից կրում ես երկիւղ,
Ոտն կգնի առաջ անվախ, աներկիւղ,
Կը կանգնի քո դիմաց՝ հպարտ, համարձակ,
Կը խօսի դարտակ:

Նրա լեզուն դառը սոխ ու սխտոր է,
Իսկոյն մարդու արիւնն կը պղտորէ.
Լաւութեան տեղ ստիդ տակը կը փորէ,
Յետ կդառնայ կը կանգնի քեզ հակառակ,
Կանի խայտառակ:

Արած լաւութիւնդ նա կը կորցնի,
Բաւական չէ՝ էլի քեզ հետ դործ ունի,
Ուրախութիւնդ տխրութեան կը դարձնի,
Կը խանգարէ քո դործերն շարունակ,
Ճիշտ ու անկատակ:

Այդպէս մարդը չի ճանաչիլ իւր Տէրին,
Կը անպատուէ մեծին, փոքրին և ծերին.
Կը հայհոյէ ծնողաց և իւր մեծերին,
Կը մոռանայ իւր ազգանուն, յիշատակ,
Նաև հօր կտակ:

Թէ ընկար նրա հետ բնութիւնն տեսար,
Նոյն ժամին կլինես նրանից բեզար,
Թէ լաւութիւն անես օրէն մի հազար.
Նեղ օրերում քեզի կը թողնէ մենակ,
Սենեակումդ փակ:

Նա ինքն էլ չի իմանալ իւր դարդը,
Նրա համար միշտ սարքուկ է թակարդը.
Չի հասկանալ սոխակ, չի ջոկիլ վարդը,
Չի ունենալ սրտում ոչ ուխտ, ոչ փափագ,
Եւ ոչ նպատակ:

Ով որ մի տեղ նրա հետ ընկերանայ,
Շատ ցաւերի վշտերի կը տիրանայ.
Դեռ իւր մատաղ կեանքում շուտ կծերանայ,
Մազերն կդառնայ ձիւնի պէս սպիտակ,
Բոլորովին ճերմակ:

Մի մարդու՝ որ ընկերն լաւ ընկեր չէ,
Արդէն նրա համար աշխարհը վերջ է.
Այս կեանքումը նա վառ դժօխքի մէջ է,
Որովհետեւ ընկեր ունի անառակ,
Ընկել է կրակ:

Այդպէս մարդը մարդկութեան միշտ անհաս է,
Մարդկային ազգութեան դա միշտ փոստ է.
Դառնախօս է, լաւ խօսալուց միշտ պատ է,
Պիտի դառնայ վերջն գող և աւաղակ,
Ազգին հակառակ:

Ոչ բան հասկացող է և ոչ յիմար է,
Մարմնի աչքերն վառ՝ մտքով խաւար է.
Վերջապէս չգիտեմ մարդ թէ տաւար է,
Նրա համար ողջ մէկ է կամ սեր կամ կարագ,
Կամ խոտ հասարակ:

Գիշեր, ցերեկ, երեկոյ և առաւօտ,
Չէ խրատուել և մեծացել մարդու մօտ,
Չունի ոչ մարդկութիւն, ոչ մարդկութեան հոտ,
Անզգայ է, չի զգալ վարդ, մանուշակ,
Սիրահար սոխակ:

Երբ նա իւր վատ արարմունքն տարած է,
 Ինքն իւր գլխին ամեն բան կատարած է.
 Պատճառն շատ անիրաւութիւն արած է,
 Եթէ չապաշխարէ, վայր կընկնի յատակ,
 Կը մնայ ոտքի տակ:

Ինչ մարդ որ չպահէ իրա պատիւը,
 Զի պակասիլ նրանից դաւ ու կուրբ,
 Մի որ կը վերջանայ նորա հաշիւը,
 Գլխին կկտորուի գաւազան, մահակ,
 Եւ կուտի շատ թակ:

Վերջն ամեն տեղից կը կտրուի ստն,
 Ընկեր և հարևան չեն գնալ մօտն.
 Կը տարածէ իւր վատ գարշելի հօտն,
 Մի որ էլ ինքն իրան կը խփէ դանակ,
 Եւ կլինի սատակ:

Մարդկանց միջին՝ մարդկութիւնը մարդն ունի,
 Ծագկանց միջին՝ անուշ հօտը վարդն ունի.
 Ամեն մարդ իւր բնութիւնն ու դարդն ունի,
 Արարած աշխարհը լայն և ընդարձակ,
 Մարդիկ կան տեսակ-տեսակ:

Վատ մարդուն փորձով կարող ես ճանաչիլ.
 Նա Տէրից չի վախիլ, մարդուց ամաչիլ.
 Մի համարձակուիր նրան՝ նեղ օրում կանչիլ,
 Կը գայ կղարձնէ քեզ՝ իրան հպատակ,
 Կանի նահատակ:

Քո թանգ կեանքդ էժան դնով մի ծախիր,
 Այդպիսիներից հեռու կենալ յաճախիր.
 Անհասկացող մարդուց հեռացիր փախիր,
 Թէ չէ ասում եմ՝ քեզ՝ ճիշտն ու շիտակ,
 Կը դառնաս առակ:

Ղևոնդ, հերիք կարգաս դու քարոզ ու ճառ,
 Հասկացողն կը հասկանայ անպատճառ.
 Անհասկացող մարդուն թէ ասես էլ հաղար,
 Էլի պէտք է քչէ իւր էջ աւանակ,
 Ամեն ժամանակ:

Ա Ն Ն Մ Ա Ն Ա Ղ Զ Ի Կ.



ննման աղջիկ, աչքդ լոյս,
 Այսօր քեզ նշան են արել.
 Ուրախացիր, սի սիրուն կոյս,
 Բաղչադ գիւլիշան են արել:

Ուզած բանդ կատարել են,
 Եկող գացողք դադարել են.
 Տուն ու տեղդ զարդարել են,
 Պատդ զարնիշան են արել:

Մի վախիլ չի կորչիլ ջանքդ,
 Պիտի լաւ անցկացնես կեանքդ.
 Տարածել են դովասանքդ.
 Մինչև Հինդստան են արել:

Վրաց ունիս ակունք խալիս,
 Բարեկամք ընծայ են տալիս.
 Խնամիքդ գնում գալիս՝
 Զեր տունը մեյդան են արել:

Անունդ ասեմ՝ Վարդուհի,
 Իսկ ծագումով իշխանուհի.
 Շուտով կդառնաս թագուհի,
 Քեզի աննման են արել:

Նշանդ շնորհաւոր լինի,
Ուզածդ բախտաւոր լինի,
Ղևոնդն քեզ քաւոր լինի,
Ինձի պարտական են արել:

Մ Ո Ւ Խ Ս Մ Մ Ա Ձ



Մ ընդ զարդս հարցրու, տուր զարդիս զարման
սիրական,

Քո շափաղ երեսդ տեսնել՝ արս ինձ արժան սիրական,
էլ չի լինիլ աշխարհումս քեզ պէս անուշ բան սիրական,
Կամ ինձնից նշան վերցրու, կամ տուր ինձ նշան սիրական,
ես չեմ տեսել իմ կեանքումս էլ մի քեզ նման սիրական,
Մորթում ես ինձի անդանակ, թողնում անկենդան
սիրական:

Բոյդ բարձր, մէջքդ բարակ, ինքդ տաննհինգ տարեկան ես,
Կուզեմ մի գաս հետս խօսես, թէ որ հաստատ սիրական ես,
Դու հոտով վարդ ու մանուշակ, շուշան, մեխակ ըէյհան ես,
Բաւական է ինձ չարչարես, տանջես մաշես, հոգիս հանես,
Ձանս չես առնում մի անգամ, դնում գերեզման սիրական,
Մորթում ես ինձի անդանակ, թողնում անկենդան
սիրական:

Դու լուսին ու արեգակ ես՝ ողջ աշխարհին լոյս ես տալիս,
Սէրդ սրտումս կաթել է, ինձ ամեն օր յոյս ես տալիս,
Երբեմն վարդ ու մանուշակ, ինձ անթառամ յոյս ես
տալիս,
Երբեմն էլ խաբ-խաբելով, ինձնից խաբս ու խոյս ես
տալիս.

Վերջապէս չես տալիս ինձ մէկ՝ հաստատ պատասխան
սիրական,
Մորթում ես ինձի անդանակ, թողնում անկենդան
սիրական:

Դու թէ չլինես, ես կը մեռնեմ, հաստատ պահապանս
դու ես,

Թէ չլինէիր, շատ կապրէի. հաստատ հոգեհանս դու ես,
Բժիշկն ինձ հարկաւոր չէ, իմ դեղ ու դարմանս դու ես,
Ա՛խ երբ կը լինի աչքս բանամ՝ տեսնեմ որ իմ տանս
դու ես.

Քո վառ կրակով այրում ես՝ ինձի յաւիտեան սիրական,
Մորթում ես ինձի անդանակ, թողնում անկենդան
սիրական:

Սիրուն օրիորդների միջին, գեղեցկութեամբ դու մի հատ ես,
Անունդ ոսկի, ինքդ ոսկի, քեզ ով կասէ թէ աղքատ ես,
Գեղեցկութեանդ համեմատ՝ եթէ խօսքիդ էլ հաստատ ես,
Սրգարների աղօթքովը ամեն փորձանքից ազատ ես,
Ղևոնդս այս օտար երկրում՝ չունիմ ազգական սիրական,
Մորթում ես ինձի անդանակ, թողնում անկենդան
սիրական:

Մ Ի Շ Տ Պ Ա Ր Տ Ե Ս



Իշտ պարտ ես աղօթել դու քո Տիրոջդ,
Որ պահէ քեզ ամեն փորձանքից ազատ.
Թէ կուղես դուր դալ եղբօր ու քրոջդ,
Պատուիր ծնողներիդ դու միշտ հարազատ:
Միշտ քո ծնողացդ դու պատուել ես պարտ,
Նոյա հնազանդուիր, մի լինիր հպարտ.

Թէ կուզես լինել դու՝ ճիշտ կատարեալ մարդ,
Բարի և լաւ մարդկանց եղիր հնազանդ։


Միշտ պարտ ես լաւ մարդկանց հնազանդ մնալ,
Սիրել, պատուել նոցա՝ հարազատ մնալ,
Թէ կուզես փորձանքից դու ազատ մնալ,
Աղօթիր Տիրոջը՝ սրտով ջերմեռանդ։

Միշտ պարտ ես ջերմեռանդ Տիրոջը կանչել,
Աղօթել, խնդրել նրան՝ և միշտ ազաչել,
Թէ կուզես պտուղ տալ ծաղկիլ, կանաչել,
Ունեցիր խղճմտանք, սէր, նաև եռանդ։

Միշտ պարտ ես ունենալ դու թ ու խղճմտանք,
Լսել լաւ խրատներ, պահել պատուիրանք,
Թէ կուզես տեսնել լաւ օրեր, ուրախ կեանք,
Շահիր սրտեր, տխուր, տրտում և հիւանդ։

Միշտ պարտ ես մխիթարել սրտերն տխուր,
Զթողնել օրբի և խեղճի վիզն ծուռ,
Թէ կուզես սղորմի տանել, դու էլ զօրմի տուր,
Մի բերան էլ ինձ ասիր՝ ողորմի քեզ Ղևանդ։

Կ Ռ Ո Ւ Ն Կ Ն Ե Ր .

րամ-երամ երկնքովն թռչում էք,
Շարուել էք կարգերով դասաւ կռունկներ,
Մեղմ ու բարակ եղանակով երգում էք,
Զեր ձայնն ականջիս՝ հասաւ, կռունկներ։

Կացէք, պատմեմ ձեզի իմ դարդ ու սարը,
Գուցէ դուք հասցնէք իմ ցաւիս ճարը.

Զօրանում է կենացս կանաչ ծառը,
Վարդ ծաղիկս թառամեցաւ, կռունկներ։

Կռունկը, օտար երկրում հալուաւ ոսկորս,
Գիշերուանից մութ ու սև անցաւ օրս,
Կացէք, մի նամակ տամ տարէք իմ հօրս,
Ասէք՝ պանդուխտ օրդիդ տուաւ, կռունկներ։

Քոյրերս ինձ սպասելով մնացին,
Ամեն օր, եղբայր, ասելով մնացին,
Ծնողներս արտասուելով մնացին,
Մտածելով կեանքս մաշուաւ, կռունկներ։

Կեանքիս թելը բարակել է մաշուելով,
Լեարդ ու թոքերս այրուել է խաշուելով,
Միրտս փթեց սև օրերս հաշուելով,
Ժամանակս չլրացաւ, կռունկներ։

Հայրենիքից զրկուած օտար մնացի,
Ծնողացս կարօտով տկար մնացի,
Հողս ու ցաւով լի, ապիկար մնացի,
Ասէք, օրդիդ՝ այսպէս ասաւ, կռունկներ։

Կարօտում եմ իմ եղբայր թագէտին,
Աչքերիցս արիւն-արցունք կհոսին,
Շատ խնդրեցի, ազաչեցի սուրբ Կուսին,
Բայց խնդիրքս շատ ուշացաւ, կռունկներ։

Սև սրտիս պէս՝ ես էլ հազել եմ սևեր,
Շնուտ տեղ հասէք, արագ շարժէք ձեր թևեր,
Նստած կսպասեմ ձեզ՝ աչքս դէպի վեր,
Ամեն կողմից ճամփէս կապուաւ, կռունկներ։

Ունիք թևեր լայնատարած ու արձակ,
Թուէք դէպի Աղդաշ ուրախ՝ համարձակ.

Այնտեղ է Խաչատուր¹⁾ եղբայրս դերձակ,
Ասէք՝ եղբայրդ շատ լացաւ, կռուենկներ:

Կռուենկք, կը սիրէք ձեր արդարութիւնը,
Գնացէք պատմեցէք իմ դրութիւնը,
Անտանելի ցաւ է օտարութիւնը,
Իմ ճակատին այսպէս դրուաւ, կռուենկներ:

Կռուենկք, թուէք անցէք Շամախի Շիրվան,
Ինձնից բարև տարէք ի գիւղն Սաղիան,
Խեղճ Ղևոնդն եմ, ազգանունս Խաչգանեան,
Ասէք, ինքը մեզ հետ խօսաւ կռուենկներ:



*
* *



Նխարհումս ես ամբարիշտ՝
Եւ չար մարդու հետ բան չունեմ
Եւ կուզեմ հեռու կենալ միշտ,
Ինքն անհաշտ, արծաթապաշտ,
Կռուարար մարդու հետ բան չունեմ:

Չեմ լինիլ կռուարար խարդախ,
Խօսքերս կասեմ ես անվախ,
Եւ կերգեմ զուարթ ուրախ,
Շուտ-շուտ տխրող, և շատ քֆրող,
Տխմար մարդու հետ բան չունեմ:

1) Հօրեղբորս որդին է անբաժան ինչպէս հարազատ եղբայրս

Խօսքը լսող բայց խուլացող,
Բանից վախեցող ծուլացող,
Դեռ չբանած շուտ թուլացող,
Մարմնով ամբողջ, ողջ և առողջ,
Թշուառ մարդու հետ բան չունեմ:

Իրան միշտ գիտուն համարող,
Իւր ժամանակին անկարող,
Լեզուովն շատ բան կատարող,
Ինքնահաւան, ինքն անբան,
Խաւար մարդու հետ բան չունեմ:

Ինքն գրող և կարդացող,
Ամեն բան խօսող իմացող,
Իզուր բղաւող, բարկացող,
Տուող խրատ, ինքն պրատ,
Շուար մարդու հետ բան չունեմ:

Հասակն անցրած կամ ծեր,
Վատ-վատ ճանապարհների տէր,
Թէ լինի իմ եղբայր կամ հեր,
Խրատ տուող, իրան անպատուող,
Սիրահար մարդու հետ բան չունեմ:

Ունիւք մէկ Հայր անմահ անձին,
Եւ Սուրբ Որդի Հօր՝ միածին,
Ծառայ եմ Հոգւոյն բղխածին,
Երեք անձինք, Աստուած մէկ Ինք,
Հաղար մարդու հետ բան չունեմ:

Ղևոնդ բաւ է, հերիք մեկնես,
Ոտդ պէտք է չափով մեկնես,
Դու էլ տգէտներից մէկն ես,
Նատ խօսող, և շատ բամբասող,
Արդար մարդու հետ բան չունեմ:



ԼՍԻՐ ՈՐԳԵԱԿ.



Լսիր որդեակ, քեզ մի կարճարօտ խրատ,
Միայն մտածիր դու՝ և լաւ հասկացիր.
Թէ պահես, օրհնութիւն կընդունես վրադ,
Այս խօսքերէն երբէք դու մի կասկածիր:

Երբ մեծացար սկսար քեզ ճանաչիլ,
Պարտ ես Տէրից վախիլ մարդուց ամաչիլ.
Թէ ուզու՞մ ես բուննիլ, ծաղկիլ, կանաչիլ,
Հսիր խրատ, և սուրբ դրբեր կարդացիր:

Բռնիր ճանապարհի ճիշտը՝ ուղիղը,
Անդ կը գտնես բարի մարդկանց շաւիղը.
Մտքու՛մդ պահելով Տիրոջ երկիւղը,
Հաստատիր քայլերդ, էլ մի ուշացիր:

Երբ ընտրեցիր ճանապարհի հաստատը,
Այնժամ՝ գիտեմ ընդունել ես խրատը.
Էլ քեզ չի հարկաւոր ուրիշը, շատը,
Միայն մի Տէր և ստեղծող իմացիր:

Սիրելիս, ես պարտ եմ այս էլ քեզ ասել,
Որ քեզ պէտք չէ՝ վատ ընկերներ լսել.
Թէ կը սիրես նրանց հետ գործ սկսել,
Իմանաս որ ուղիղ ճամբադ կորուցիր:

Ընկերդ թէ հարուստ կամ աղքատ լինի,
Այնպէս արա, քեզի համեմատ լինի.
Լաւ ծնողաց որդի, լաւ արմատ լինի,
Մի նայիր, նրա հետ դու ընկերացիր:

Լաւ մարդկանց հետ դու միշտ նիստ ու կաց արա,
Թէ լաց լինեն, դու էլ աչքդ թաց արա,

Երբ որ ուրախանան, սիրող բաց արա,
Առաջուայ սուգ ու լաց շուտով մոռացիր:

Ոչ որի մօտ խօսքդ մի երկարացնիլ,
Աշխատիր խօսք լսել և ուշ դարձնիլ,
Թէ մէկը քեզանից խօսք չի հարցնիլ,
Զուր տեղը մի խօսիր, բերան մի բացիր:

Ասած խօսքդ լաւ մտածիր, լաւ միտ աւ,
Ուրիշներ զլիսին երբէք ցաւ մի դառ.
Քո գլուխը ուրիշին դրաւ մի տար,
Միշտ աչքաբաց եղիր և զգուշացիր:

Ղևոնդ բաւ է, հերիք է կարգաս խրատ,
Դանակը դանակ է. մկրատը՝ մկրատ.
Անառակ որդին չի դառնալ անարատ,
Լաւն էն է, լուր ու անձէն կացիր:

ԱՂՕԹՔ



Վ թագաւորաց թագաւոր, և Դու տէրանց Տէր
իմ Աստուած,
Ստեղծող, Արարիչ, արդար, սուրբ և լոյս պատկեր,
իմ Աստուած,
Լուր մեր անարժան ձայնին, ունիմք հառաչանքներ,
իմ Աստուած,
Մեր սիրտն անմխիթար մի թող՝ ուրախութիւն բեր,
իմ Աստուած,
Փրկիչն մեզ կը քարոզէ հաւատ, յոյս և սէր,
իմ Աստուած,
Հաւատով յոյսով խնդրում ենք, սիրով մեզի ներիր,
Աստուած:

Արարածոց Արարիչը՝ մարդկանց ստեղծողը Դու ես,
 Երկիրն ոտացդ տակն է՝ երկնքում կենողը Դու ես,
 Երկնքիցը ողջ արարած՝ աշխարհին նայողը Դու ես,
 Ճշմարիտ դատաստան անող՝ և արդար դատողը Դու ես,
 Կապեալին, հիւանդին խղճող, ցաւից ազատողը Դու ես,
 Խղճա՛ ազատիր և մեզի, բայց մեր կապանքներ, իմ Աստուած:

Մենք Քո ձեռացդ դործն ենք, Դու երկինք ու երկրի Տէր ես,
 Անսկիզբ ու անվերջ լոյս ես, բարձր երկնքիցն էլ վեր ես,
 Չխնայեցիր մեզ Քո Որդիդ, Դու անքննին մարգասէր ես,
 Քո բազմառատ գթութեամբը՝ խնդրում ենք մեզքներս
 ներես,

Հայր, Որդի և Սուրբ Հոգի, նաև հաւատ, յոյս և սէր ես,
 Քո ստեղծածիդ միշտ սիրով՝ ողորմացող լեր իմ Աստուած:


Ամեն շնչաւոր արարածք Քեզանով կառավարուում են,
 Շատ տխուր և կոտոր օրերը՝ Քեզանով մխիթարուում են,
 Ծով, ցամաք, լուսին, արեգակ, աստղերն քեզ
 խոնարհուում են,

Քո անունից սարսափելով շարերն հրաժարուում են,
 Ամեն բան իր ժամանակին Քո հրամանով կատարուում են,
 Պատճառն Դու ես ամէն բան՝ Ստեղծող և Տէր իմ Աստուած:

Ո՛վ Հայր, Որդի, և Սուրբ Հոգի, ամենասուրբ
 Երրորդութիւն,
 Մի Տէրութիւն և մի Աստուած, երեք անձինք և մի
 բնութիւն:

Մի մոռանալի կորուստներ, մի ջնջիր ո՛չ մեր Հայ անուն,
 Մի թողիր զուր տեղը թափուի քո արարածոց անմեղ
 արիւն,

Ղևոնդս՝ ես անարժան եմ, թէ խնդրեմ էլ մինչ իրիկուն,
 Միջնորդեն վասն մեր՝ առ Քեզ, Քո ամեն սրբեր,
 իմ Աստուած:




Ո՛վ մարդ, արի սիրիր դու ճշմարտութիւն,
 Եւ քեզի տուր միշտ ուղիղ ճանապարհի.
 Ճշմարիտ մարդն ունի միշտ մարդկութիւն,
 Եւ հաստատ խօսք՝ ճիշտ ու քաղաքավարի:

Մի լինիր սուտ խաբող, մի լինիր խարդախ,
 Ճշմարիտ կաց, դու յաղթող ես և անվախ,
 Միշտ գործով աջողակ, և սրտով ուրախ,
 Կը լինես շարունակ ամենայն տարի:

Այն մարդն որ ճշմարտութեան սէր ունի,
 Նա իւր գլխին հօր, յաղթող Տէր ունի,
 Ճշմարիտ գործոց մէջ, Տիրոջ՝ ձեռ ունի,
 Պիտի յաղթի նա միշտ հարիւր հազարի:

Ասած խօսքս եղբայր, թէ լաւ մտածես,
 Եւ կատարես՝ ճշմարտութեան մէջ մտած ես.
 Մեծ ու փոքրով ձեր ուղածն կտայ ձեզ,
 Նա, որ գթած է և ամենաբարի:

Ղևոնդ, ճշմարտութիւնը ամենին յաղթող է,
 Ճշմարտի մօտ ստախօսն կը դողէ.
 Ինչ մարդ ստախօս է և մարդ խաբող է,
 Նա իւր ձեռքով իւր ճրագն կը մարի:



* * *



ոյս կապէք ինքն միայն մէկ, անուններն հազար
մէկին,
Թէ միշտ նրան ապաւինէք, նա չի թողալ խաւար մէկին.
Այս աշխարհը ծաղկունքով ու պտուղներով զարդարողին,
Թէ յուսով հաւատով խնդրէք, չի թողալ և անբար մէկին:

Եղբարք, սուրբ գրքեր կարդացէք, բարի խրատներ
սովորէք,

Լաւ բարի սերմեր ցանցէք, տգէտներին լուսաւորէք
Ամեն օր զԱստուած յիշելով օրհնեցէք և փառաւորէք,
Թէ սուրբ պատուէրները պահէք, չի թողալ անմխիթար
մէկին:

Իրար հետ սիրով վարուեցէք, սխալներդ ներող եղէք,
Աղքատներին խղճով նայող, որբերին միշտ սիրող եղէք,
Չքաւոր պարտապաններին՝ մի նեղէք համբերող եղէք,
Խղճմտանքով սիրտ ունեցէք, մի ձեռնաք դուրք քար
մէկին:

Թէ դադար տաք կռիւներին, իրար հետ չկենաք խռով,
Քաղցրութեամբ գործ վարելով, իրար հետ միշտ մնաք
սիրով,

Ճանաչէք օրէնք, ճանապարհ, երբէք չպարծենաք զօրով,
Չեր ցաւին դեղ կտայ Աստուած, նա չի թողալ անճար
մէկին:

Որդին հօրը հայհոյում է, եղբայր եղբօր վրասում է,
Աշխարհս մեղքերով լցվում, բարիքներն պակասում է,
Հայրն կուզէ ապաշխարենք, համբերելով սպասում է,
Նայում է իր մարդկանց վերայ, չի գտնում և արդար
մէկին:

Ղենդ, քննենք Տիրոջ գործը, շատ քաղցր է նրա սէրը,
Իւր մեծ ողորմութեան համար, մեզ շատ սիրեց փառաց
Տէրը:

Մեզ տկարներին փրկելու և ջնջելու մեր մեղքերը,
Ղրկեց մարմնացաւ, մարդացաւ, զօհեց նա մեզ համար
Մէկին:

ՄԻ ԽՕՍՔ ԱՍԵՄ.



Ի խօսք ասեմ՝ քեզի շիտակ իմացիր,
Եւ այս խօսքը դու միշտ պահիր քո մտքում.
Ճշմարիտ, պարզ, մաքուր, խտակ իմացիր,
Պահիր պատուիրանքը, և կաց օրէնքում:

Այն մարդն որ օրէնքի մէջ չի ծնուում,
Նրա խօսքն մարդկանց մէջ չի ընդունուում,
Պատճառն իւր կեանքում նա չի գտնուում,
Տաճկի ուզարիկում¹⁾ կամ հայի խնկում:

Նա որ չար ծնունդ է առել մօշիցը,
Ապօրինի ծնուել իւր մօր փորիցը,
Ծնորհ չի ընդունիլ նա Տէր-Հօրիցը,
Երբ որ մկրտում է, սուրբ դրօշմով կնքում:

Նա քանի մեծանայ՝ պէտք է վատանայ,
Չար դործերն, մեղքն, պէտք է շատանայ,
Պատճառն՝ արմատն է չար և սատանայ,
Չի սիրիլ նա մի բարի գործ իւր կեանքում:

Նրա սրտումը չի լինիլ խղճմտանք,
Երեսումը չի ունենալ պատկառանք:

1) Ուզարիկ խոտ է, որ տաճիկները գործ են ածում խնկի տեղ:

Ձի խօնարհուիլ սրբի չի հաւատալ վանք,

Ձի դտնուիլ եկեղեցում և վանքում:

Երբ մի մարդու՛մ լինի չար սերմ, չար արմատ,
Կապականէ մարմինն, չի մնալ մի մատ.

Ամեն մարդ իւր չար գործերի համեմատ,

Միշտ տանջու՛մ է, չարչարու՛մ է և անքում:

Ով ինչ սերմեր կը սերմէ կամ կը շագէ,

Նոյն պտուղն կը հնձէ և կը քաղէ.

Քանի ժամանակն չէ անցել վաղ է,

Պէտք է կենալ միշտ արդար աշխատանքում:

Այս բանը ոչ ջրից և ոչ հողից է,

Ոչ աղքատութիւնից և ոչ փողից է.

Այլ անկարգ անկանոն, վատ ծնողից է,

Որ՝ չի կենում ճիշտ սուրբ պատուիրանքում:

Ծնողը պէտք է իրան միշտ մաքուր պահի,

Ուրիշի դէմ իրա աչքը կոյր պահի.

Տղայ պահի, աղջիկ պահի, քոյր պահի,

Եւ մաքուր կաթ ունենայ իւր ստինքում:

Չարի սերմանածը չարն էլ կը հնձէ,

Կը թամբէ կնստէ, գլուխն կը սանձէ,

Կը տանէ կրակում կայրէ, կաղանձէ,

Իւր մեղքերն դնելով իւր շինքում:

Ղևոնդ, բաւ է, այս բաներին կայ քննող,

Ապրանքին համեմատ՝ կայ և զին դնող.

Այստեղ ոչ սուրբ հայր կայ, ոչ մաքուր ծնող,

Մի Սուրբ Հայր կայ, որ կենում է երկնքում:



ՍՈՒՍԱԿ ԵՄ ՎԱՐԳԻՍ ՄԱՆ ԿՈՒԳՍՄ.



այրենիքս հողս ձգած,

Սոխակ եմ, վարդիս ման կուգամ.

Յուզուած, յոգնած և վաստակած,

Սոխակ եմ, վարդիս ման կուգամ,

Դարման՝ իմ դարդիս ման կուգամ:

Կտարուաւ իմ վառ կանթեղս,

Այնժամ՝ երբ թողի իմ տեղս.

Արդեօք երբ կդանեմ դեղս,

Սոխակ եմ, վարդիս ման կուգամ,

Դարման՝ իմ դարդիս ման կուգամ:

Տարեկան հինգ նաւակատիկ,

Անցուցել եմ եօթը զատիկ.

Թողած եղբօրս մի հատիկ,

Սոխակ եմ, վարդիս ման կուգամ,

Դարման՝ իմ դարդիս ման կուգամ:

Շիրվանումն է Սաղիան դեղս,

Սաղիանումն է տուն ու տեղս,

Թողած այնտեղ ազգ ու ցեղս,

Սոխակ եմ, վարդիս ման կուգամ,

Դարման՝ իմ դարդիս ման կուգամ:

Սիրտս տխուր, միտքս մալուր,

Աչքերիս արտասուք կալոր.

Ճամբայ դառած աշխարհ բոլոր,

Սոխակ եմ, վարդիս ման կուգամ,

Դարման՝ իմ դարդիս ման կուգամ:

Հողս ու ցաւից կապել եմ բեռ,
 Գնում եմ աեղ՝ չեմ հասել դեռ,
 Դարուն ամառ, աշուն ձմեռ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Սիրտս հագած ունի սև սուք,
 Մէջն լի արիւն արտասուք,
 Չեմ զգում ոչ ցուրտ ու ոչ բուք,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Վարդս տեսել հարցրել եմ,
 Աչքիս առջև կորցրել եմ,
 Նրա դարդն էլ վերցրել եմ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Գնաց, ինձի լալով թողեց,
 Խեղճ գլխիս վայ տալով թողեց,
 Հեռուիցը ման դալով թողեց,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Սիրտս սեցուց ինչպէս թանաք,
 Մորթեց սպանեց անդանակ,
 Ամեն օր ամեն ժամանակ
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Ինձ թողեց անբաղդ անսատար,
 Ուխտ ու պայմանս անկատար,
 Փնտրում եմ ես՝ միշտ, անդադար,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Օրի հետ ես էլ կրմթնեմ,
 Դուխս չոր քարին կդնեմ,
 Ա՛խ երբ պիտի վարդս գտնեմ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Տէր իմ, խղճս արա ազատ,
 Դանեմ իմ վարդն հարազատ,
 Յաւար երկրում խեղճ և աղքատ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:


Քանի չէ թառամել խոտը,
 Գտնեմ, դնամ վարդիս մօտը,
 Մէկ էլ առնեմ անուշ հոտը,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Մինչև ծաղիկս չը գտնեմ,
 Ուխտել եմ աշխարհ չը մտնեմ,
 Ունեցածս ողջ կը վատնեմ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Իմ վարդն ինձ չինեց առակ,
 Դարդ տուեց երկար ու բարակ,
 Դարձել եմ որդի անառակ,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Հայրենիք, իմ աչքի լոյսը,
 Օրհնուի քո հողն ու բոյսը,
 Կը գամ, չեմ կտրել իմ յոյսը,
 Սոխակ եմ, վարդիս ման կուգամ,
 Դարման՝ իմ դարդիս ման կուգամ:

Ղևոնդս դարդեր ունիմ շատ,
 Սիրաս լի մէկը միւսից վատ.
 Կորուցել եմ վարդս հաստատ,
 Սոխակ եմ վարդիս ման կուգամ,
 Գարման՝ իմ դարդիս ման կուգամ:



Ս Ի Բ Ո Ւ Ն Կ Ո Յ Ս.



Իրուն կոյս, այն օրից՝ ինչ տեսել եմ քեզ,
 Սիրել եմ, սիրում եմ և պիտի սիրեմ.
 Քո մասին զրկանքներ՝ ինչ ասել եմ քեզ,
 Կրել եմ, կրում եմ և պիտի կրեմ:

Ինչքան ուրախ անցաւ ինձ համար այն օր,
 Երբ հինն հանելով՝ հագել էիր նոր.
 Մի հոտով ծաղկէ փունջ քեզ իբր շնորհ
 Իերել եմ, բերում եմ և պիտի բերեմ:

Ինքդ հայ օրիորդ՝ անունդ Սանդուխտ,
 Չմոռնաս մեր արած այն պայման և ուխտ.
 Իմ ձեռքով քեզ՝ այն օրումանից սիրոյ թուղթ՝
 Գրել եմ, գրում եմ և պիտի գրեմ:

Դու ինձի ձգել ես հոգս ու ցաւի մէջ,
 Հուրք անհանգչելի՝ կրակդ է անշէջ.
 Քո տուած ցաւերին, դարդերին անվերջ
 Լռել եմ, լռում եմ և պիտի լռեմ:

Խնդրեմ չաւելացնես ցաւս՝ կրակս,
 Ով իմ աղանձեակս և իմ տատրակս.
 Քո սիրոյ կրակով սիրաս՝ ու ճրագս
 Վառել եմ, վառում եմ և պիտի վառեմ:

Խնդրեմ ինձ չսպանես չը անես մաս-մաս,
 Դարդս որ տուել ես, դարմանն էլ տաս.
 Դօշիդ լալ ու դոճար՝ ջաւահիր ալմաս,
 Շարել եմ, շարում եմ և պիտի շարեմ:

Ո՛վ իմ սիրուն քաղցրախօս երգիչս,
 Յաւիտեան քեզ հաստատ պահէ Փրկիւս.
 Քեզ դովասանք գրելու իմ գրիչս՝
 Սրել եմ, սրում եմ և պիտի սրեմ:

Քո սիրովն վառուել՝ ես առայ յանձն,
 Չեմ սիրում հագուստն, փողն ու գանձն.
 Ղևոնդս քո սիրոյ կրակով իմ անձն՝
 Էրել եմ, էրում եմ, և պիտի էրեմ:



Ս Ն Ո Ւ Շ Ս Ի Բ Ա Կ Ա Ն.



Ճարհուսմս չի ճարուի մի քեզ նման դովական՝
 Անուշ սիրական,
 Ողջ հոտաւէտ ծաղիկներից դու ես ինձի դուրեկան,
 Անուշ սիրական,
 Քո սէրն ինձ չարչարում է գիշեր ցերեկ միշտ՝
 Ունիմ ցաւ ու վիշտ,
 Ամեն օր ինձ հալածում է՝ գառել եմ թափառական,
 Անուշ սիրական,—
 Դու հոտով վարդ, մանուշակ, նունուֆար, բէյհան ես,
 Հերիք իմ հոգիս հանես,
 Սիրուն անթառամ ծաղիկ ես՝ յաւիտեան ինձ պէտքական,
 Անուշ սիրական,
 Սիրուն, սպիտակ պատկերդ փայլում է ինչպէս լուսնեակ,
 Դու ես արև արուսեակ:

Ինքդ քնքուշ, ձայնդ անուշ, լեզուդ քաղցր Հայկական,
 Անուշ սիրականս:
 Ունքեր ունես կամարածե, աչքերդ սև սաթի պէս,
 Թուշդ արինակաթի պէս:
 Դու նշանակուած ես ինձ համար սնուր, սահման պապական,
 Անուշ սիրականս—
 Քաղցր շաքար երեսիդ մօտ՝ սպիտակ ձիւնն սև է,
 Այդ քեզ երկնից պարզև է,
 Կը սիրէ քեզ աշխարհական՝ նաև հօգևորական,
 Անուշ սիրականս:
 Ձի գտնուիլ քո հատը՝ Լօնդօնում և Փարիզում,
 Թէհրանում և Թաւրէզում:
 Վարդ բաց արած վարդի ծառ ես՝ տասն և հինգ տարեկան,
 Անուշ սիրականս—
 Այրում ես դու չորացնում կենացս կանաչ ծառը,
 Մորթում ես ինչպէս գառը:
 Դարձրել ես ինձ քո գերիդ՝ միշտ և յաւիտեան,
 Անուշ սիրականս,—
 Արի առաջիս ման արի, խօսիր, խաղացիր, պարիր,
 Իմ սիրտս մխիթարիր:
 Մի քայլդ արժէ ինձ համար հարիւր հազար դահեկան,
 Անուշ սիրականս—
 Չէ որ ես էլ քեզ պէս հայ եմ և քրիստոնեայ,
 Խղճն ինձ գոնեա:
 Սուրբ աւազանում մկրտուած և սուրբ լուսաւորչական,
 Անուշ սիրականս:
 Մինչև երբ դու չարչարես ինձ և թողնես անճար,
 Միշտ ու մուգարար:
 Դու գիտես որ՝ ես օտար եմ, անտէր ու անտիրական,
 Անուշ սիրականս:
 Ողջ աշխարհումս չեմ տեսել՝ քեզ պէս աննման խանում,
 Ինչի՞ ես հոգիս հանում,
 Կամ հոգիս առ ազատուեմ, կամ մի խօսք տուր վերջնական,
 Անուշ սիրականս:

Քո ձեռքովդ սպանիր ինձ և գերեզման տար,
 Վրէս դիր մի քար:
 Էլ չես յիշում խեղճ Ղևոնդին, ոչ եղբայր, ոչ ազգական,
 Անուշ սիրականս:

Տ Ե Տ Բ Ա Կ Ս .



Ետրանկա, երբեմն լուռ և անխօս ես,
 Երբեմն էլ անչափ տխրած ես, տետրակս:
 Երբեմն կ'երգես, քաղցր կը խօսես,
 Երբեմն էլ տխուր կը լացես տետրակս:
 Դու պարտէզ ես՝ լի պտղատու ծառերով,
 Ճիւղերդ լի քաղցրանուշ բարերով,
 Գոյնզգոյն հօտաւէտ՝ ծաղկանց շարերով՝
 Հիւսած, կազմած, փունջ կապած ես, տետրակս:
 Ծառատան ես, մի ծաղկազարդ պարտէզ ես,
 Փնջեր կապած. դարսած, մի վարդի դեզ ես:
 Կուզեմ որ դրչիս տակ՝ պահեմ միշտ քեզ ես,
 Առանց գրչի դու մեռած ես, տետրակս:
 Դու մառան ես, մէջդ լիքը անուշ միրգ,
 Միջիդ ունես կարգ ու կանոն, ձև ու ձիրք:
 Կուզեմ տպուես շուտով՝ գառնաս մի լաւ դիրք,
 Եւ գնաս խօսքս տարածես տետրակս:
 Թէև խօսքերդ քիչ՝ ինքդ բարակ ես,
 Տողերդ ծուռ ու մուռ, շատ հասարակ ես,
 Բայց ինձ համար՝ դու մեզը ու կարող ես,
 Չեռքովս կազմած, կարած ես, տետրակս:

Զարգարուած ես դու գոյնդդոյն զարգերով,
 Մանուշակով, բէյհանով, վարդերով,
 Չես թողնիլ իմ սիրտս լիքը զարգերով,
 Երբ որ տեսնեմ դու սպուած ես տետրակս:
 Տետրակս, ես քեզի կառաջարկեմ,
 Վասնորոյ կը պատուեմ և շատ կը յարգեմ,
 Չեմ ուշացնիլ քեզի շուտով կուզարկեմ,
 Միայն աչքերս չը թայցես, տետրակս:
 Այն էլ քեզի ասեմ՝ թէ լաւ իմանաս,
 Նրա համար ես քեզի կուզարկեմ դնաս,
 Որ մարդկանց մէջ՝ դու մի անուն ստանաս,
 Ո՛չ լսեմ որ՝ դու կորած ես, տետրակս:
 Ով մտովդ անցնի, նրան ձայն կը տաս,
 Եթէ խօսք հարցնի, պատասխան կը տաս,
 Չինայես, խօսքերդ էժան կը տաս,
 Թերթերդ մէկ-մէկ կը բացես, տետրակս:
 Թէ իմ բութ գրիչս մի լաւ կը սրեմ,
 Միջիդ տեսակ-տեսակ բաներ կը գրեմ,
 Թէ իմանաս՝ ես քեզի շատ կը սիրեմ,
 Պատճառն դու՝ իմ գրած ես, տետրակս:
 Տետրակս, դու փոքր ես, և դեռ նորահաս,
 Դեռ շատ բաներ ունես քեզանում պակաս,
 Եթէ գնաս ման դաս և ուրախ յետ գաս,
 Միւս եղբօրդ էլ դտած ես, տետրակս:
 Հազար ինն հարիւրին ձայնդ լսեցի,
 Կանչեցի քեզ գտայ, ձայնով ասեցի,
 Մայիս ամսին քեզի նոր սկսեցի,
 Երեք ամսեայ հնարած ես, տետրակս:
 Իրար համեմատ դրուած է բառերդ,
 Հասունացած, համովուած է բարերդ,
 Ղևոնդի ձեռքով գրուած է տառերդ,
 Չեռքովս մէկ-մէկ շարած ես, տետրակս:

Ո՛Վ Մ Ա Ր Դ.



Մի մարդ, դու քո մեղքով քո ծանր բեռով,
 Պիտի ընկնես զրկանքի՝ փնասի մէջ,
 Թէ խոնարհուես Տէրին Երա սրբերով,
 Դու երկար չես մնալ պատուհասի մէջ:
 Պիտի գիշեր ցերեկ դու ապաշխարես,
 Սրբոց վարքն սիրես և սուրբ կեանք վարես,
 Անձդ տանջես և հողին հաւատարես,
 Որ գտնուիս հաղորդի և մասի մէջ:
 Թէ սիրող սուրբ պահես և չլինես ազահ,
 Ամենեին անձիդ չընդունես շահ,
 Յաւիտեան հոգւովդ՝ դու չես տեսնիլ մահ,
 Որ գտնուիս ժամ, աղօթքի, պասի մէջ:
 Պէտք է հոգւով սրտով ողորմած լինես,
 Նեղեալ, կապեալ տեսներոյն պէս՝ լաց լինես,
 Չեռքով, սրտով, մտքով, աչքաբաց լինես,
 Որ գտնուիս առաքելոց դասի մէջ:
 Ամենայն ժամ պիտի լինի քո ջանքը,
 Սիրել Աստուած և պահել պատուիրանքը,
 Կը փայլի միշտ պայծառ քո հոգւոյ կեանքը,
 Որ գտնուիս Տիրոջ տուած ճասի մէջ:
 Անմահական ջրով պէտք է լողանաս,
 Սիրող հանես՝ մէջն մաքուր լուանաս,
 Ոչ խաբես, ոչ հարբես և ոչ դողանաս,
 Որ գտնուիս սուրբ գրեանքի դասի մէջ:
 Ղևոնդ, սուրբ բաժակն ճիշտ խաղողի կաթ պիտի,
 Արդար արիւն, քաղցր մեղր ու կաթ պիտի,
 Անխառն, անճառ, սուրբ և անարատ պիտի,
 Որ գտնուի սրբութեան կարասի մէջ:

ԱՆԿԸ ՔԱՇԵՄ.



Այս կը քաշեմ կը հառաչեմ,
 Մէկ ես եմ մէկ անկողին,
 Ումնից խնդրեմ ում աղաչեմ,
 Պիտի զոհուեմ սև հողին:

Նեղութիւն վիշտ ու տառապանք,
 Պատկերիս մէջ նկարուած,
 Տալիս է սրտիս հառաչանք,
 Սրտիս՝ կրակով վառուած:

Ով ցաւ անգութ, ով քարասիրտ,
 Քո շար խայթոց թունալից.
 Տուեց սրտիս արիւն՝ արցունք,
 Աչքս լաց արտասուալից:

Ո՛վ իմ եղբայր դու հարազատ,
 Մի մոռանար աղ ու հաց,
 Հասիր արա ցաւից աղատ,
 Սրբիւր իմ աչքերն թաց:

Ո՛հ դու էլ ես քրիստոսնեայ
 Քրիստոսի օրինակ,
 Հաս, բժշկիւր վէրքս գոնեայ՝
 Թո՛ղ մի բարի յիշատակ:

Թէ խղճաս ինձ և ազատես՝
 Այս անգութ ցաւի ձեռից,
 Միշտ երկար կեանք կմաղթեմ՝ քեզ՝
 Անմահ երկնային Տէրից:


Ա՛խ, օրս մութ ու խաւար է,
 Չկայ մի լոյս մի ճրագ,
 Հիւանդ սրտիս մէջ կը վառէ,
 Անհանգչելի՛ մի կրակ:

Նեղ օրեր ինձ պաշարեցին
 Օտար երկրում ընդարձակ,
 Չեմ կարող հասնել հայրենիք,
 Այնտեղ քայլել համարձակ:

Իմ ուժերս թուլացել են,
 Արի, հասիր օգնութեան.
 Հասիր օգնել և ազատել,
 Լինել պատճառ փրկութեան:

Ո՛հ իմ մահս շատ հեռու չէ,
 Պլխիս վրէժն կանգնած է.
 Սարսափելի գէնքով զինուած,
 Թևերն կը տարածէ:

Ղևոնդս՝ օտար պառկած եմ,
 Մի խրճիթում հասարակ,
 Մեծ նեղութեամբ պաշարուած եմ,
 Փութա՛մ Փրկիչ՝ հաս արագ:



Այս խնդրել եմ մի բան իմ ստեղծողից,
 Ստեղծողս ողորմած և լսող է.
 Իմ աչքն միշտ կուշտ է ոսկիից, փողից,
 Իմ խնդիրքն ոչ ոսկի է, ոչ փող է:

Ոսկի, փող և գանձ է, գանձապահ ունի,
 Ունեցողն՝ մինչ յաւիտեան շահ ունի.
 Նա ոչ կորուստ ունի և ոչ մահ ունի,
 Յաւիտենից յաւիտեան՝ միշտ մնացող է:

Միշտ ողորմած և բարի է իմ Տէրը,
Չի պակսիլ նրանից իմ յոյս ու սէրը.
Նա ինձ շատ կը սիրէ քան թէ իմ հերը,
Պատճառն միշտ՝ նա իմ հովիւ հասնող է:

Ով ամեն օր օրհնէ նորա անունը,
Նա յաւիտեան կը հաստատէ իւր տունը.
Տէրն ամենագէտ և իմաստունը,
Ողջ սրտերի քննող, արդար դատող է:

Երբ որ աւելանայ իմ ցաւն ու վէրքը,
Կը հեռանան ինձանից՝ իմ սերտ ընկերքը.
Բարձրեալն մեկնելով իւր զօրեղ ձեռքը:
Ամեն կողմից իմ գործս կը յաջողէ:

Ով որ իրա յոյսը չկտրէ վերից,
Ռդուոյն մարդոյ Յիսուսի սուրբ պատկերից.
Խնդրածը կստանայ այն հզօր Տէրից,
Որ երկինք և երկրի մէկ Ստեղծող է:

Ինչքան մնայ մարդն այս փուշ կեանքի մէջ,
Այնքան կընկնի նա ցաւ ու տանջանքի մէջ.
Վերջն էլ կը մտնէ հող ու հանքի մէջ,
Սկզբիցն հող էր, վերջն էլ հող է:

Ղևոնդ. հան քո սրտից չարն ու նախանձը,
Յանձնիր Տէրին քո բոլոր կեանքն ու անձը.
Չի խնայիլ քեզանից քո խնդրած գանձը,
Նա՛ որ ողորմած և ամէնակարող է:



Ս Ո Խ Ա. Կ.



Կաւ ուրախ մայիս, և բացուեց նոր վարդ,
Երգիր, մի լռիր դու՛ իմ սիրուն սոխակ.
Չարթեց ողջ ընութիւն և խնդաց նոր մարդ,
Երգիր, մի լռիր դու՛ իմ սիրուն սոխակ,
արտէզների երգիչ, դու սիրուն թռչնակ:

Ո՛վ սիրահար սոխակ պարտիզի զարդը,
Ահա բացուել է քո՛ սիրական վարդը.
Սիրէք, սիրուէք, փարատելով իմ դարդը,
Երգիր մի լռիր դու՛ իմ սիրուն սոխակ,
Պարտէզների երգիչ, դու սիրուն թռչնակ:

Վարդը իւր կարմիր երեսն բացել է,
Անուշ հոտը պարտիզում տարածել է.
Քո գալովդ սիրտս ուրախացել է,
Երգիր մի լռիր դու՛ իմ սիրուն սոխակ,
Պարտէզների երգիչ, դու սիրուն թռչնակ:

Երգէ, պատմիր դու քո գլխով անցածը,
Քո ձայնով թող զարթնի թմրած՝ քնածը.
Նոր սրբելով քո աչերի հին լացը,
Երգիր մի լռիր դու՛ իմ սիրուն սոխակ,
Պարտէզների երգիչ, դու սիրուն թռչնակ:

Քաղցր ձայնովդ ուրախացրու ամենին,
Փառաւորիւր վարդը՝ նաև վարդենին,
Թող լսելու դուրս գան քո անուշ ձէնին,
Երգիր մի լռիր դու՛ իմ սիրուն սոխակ,
Պարտէզների երգիչ, դու սիրուն թռչնակ:

Երգիր, նախ ամեն մարդ՝ անէ իւր փորձը,
Նոր սկսէ, շարունակէ իւր դորձը.
Սիրէ, պահէ, պաշտպանէ իւր եղբօրցը,
Երգիր մի լռիր դու՛ իմ սիրուն սոխակ,
Պարտէզների երգիչ, դու սիրուն թռչնակ:

Մինչ գալդ շատ թռչունք, ագռաւն ու Բուն,
 Պարտէզումդ հաստատեցին իրանց բուն.
 Պարտիզպանը քնած՝ մտած է խոր քուն.
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Երգիր, բարձրացրու քո դայլայլակը,
 Թող ամաչէ ու հեռանայ թուլթակը.
 Զայնը կտրէ, լռէ չալ կաշաղակը,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Դիչերդ ցերեկ արիր, մնացիր անբուն,
 Պարտէզից զրկուելով մնացիր անբուն.
 Ինձ նման առանց տուն՝ մնացիր և դուն,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Սոխակ, եթէ նոցա կապես քո յոյսը,
 Կերկարի գիշերդ՝ չի բացուել լոյսը.
 Նոցա մօտ կանչէ վնորդ, քո սիրած բոյսը,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Դու ինքդ էլ տեսնում ես քո աչքովը,
 Թռչուններին՝ նստած վարդիդ աջ քովը.
 Լաւ է քեզ մահանալ նրանց ձեռքովը.
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Սոխակ երգէ, անբազդ կ'մնայ մունջը,
 Ագռաւը կը շարդէ քո վարդի փունջը.
 Երգելով անցրու սրտիդ մրմունջը,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Թռչունքն տեսնելով՝ քեզ լուռ ու խղճուկ,
 Զարգում են վարդդ, քեզ՝ կարծելով ճնճղուկ.
 Ինչո՞ւ մնացել ես այդպէս խեղճ՝ ստրուկ,
 Երգիր մի լռիր դու՝ իմ սիրուն սոխակ,
 Պարտէզների մէջի, դու սիրուն թռչնակ:

Սոխակ, թէ լռես էլ քեզ ասեմ շիտակ,
 Բազէի ճանկերով կլինես նահատակ.
 Զոհուիր վնորդ կանչելով. թո՞ղ մի յիշատակ,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Քեզանից յետոյ թող իրանք էլ իմանան,
 Որ դու երգիչ էիր, իսկ իրանք անբան.
 Գոնեա խղճան, ձագուկներիդ մի օր տան,
 Երգիր մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Նաև ասեն՝ կեցցես սոխակ պատուական:
 Զմոռացաւ իրա երգն պապական,
 Երգով զօհուեց իրա վարդին սիրական,
 Երգիր, մի լռիր դու՝ իմ սիրուն սոխակ,
 Պարտէզների երգիչ, դու սիրուն թռչնակ:

Ա՛խ նա վարդին նայեց, իւր վիզն ծռաւ,
 Բազէին տեսնելով՝ մունջ կացաւ լռաւ.
 Վերջն հառաչելով ա՛խ քաշեց թռաւ,
 Ղևոնդ, չէրդեց, թռաւ իմ սիրուն սոխակ,
 Ա՛խ ափսոս ո՞ր՝ թռաւ իմ սիրուն սոխակ:



Ա Ն Ն Մ Ա Ն Խ Ա Ն Ո Ւ Մ .



Վ հաստատ հոգեհան կամ հոգի առնող՝
Դու գեղեցիկ, սիրուն, աննման խանութ.
Առաջուց խօսք տուող վերջում՝ յետ դառնող,
Չկայ աշխարհիս մէջ քեզ նման, խանութ.


Հագնուում ես, զարդարուում ես, զուքուում ես,
Դուրս ես դալիս միանգամայն չքուում ես,
Ինձ տեսնելու՝ տրաքուում ես, փքուում ես,
Ինքդ քեզ կարծուում ես՝ մի մեծ բան, խանութ.

Երբ ինձ պատահուում ես չես սալիս բարով,
Կարօտս չես քաշիլ՝ թէ մնաս տարով.
Քեզ վերայ դանձ դրի հարիւր, հազարով,
Ով հաստատ մարդասպան՝ հոգեհան, խանութ.

Դու ինձ հետ վարուեցիր՝ միշտ դառն, անգութ,
Ճամարիտ ձեւացար, բայց դուրս եկար սուտ.
Տէրն զրկէ քեզ մահ, ժանտախտ և կարկուտ,
Սպանէ քեզ դնեմ գերեզման, խանութ.

Ամեն օր քո ձեռից ես կը կանչեմ դատ,
Աշխարհիս դարդերից ոչ լինես ազատ.
Տունդ գլխիդ քանդուի, և լինի բարբատ,
Մնաս անգերեզման՝ աննշան, խանութ.

Խեղճ Ղևոնդին արիր քեզնով ապական,
Սև լինի քո օրդ. և քո ապագան.
Հոգևով և մարմնով մնաս պարտական,
Դու սևերես գնաս՝ դատաւտան, խանութ.



Ո՛Վ ՄԱՐԴ ՄԻ ԲԱՐԿԱՆԱՐ .



Վ մարդ մի բարկանար, քիչ մը համբերի,
Պատճառն փրկանք է համբերութիւնը.
Թէև քիչ միջոց մը՝ քո սիրտը կ'էրի,
Բայց վերջը բերկրանք է համբերութիւնը.

Համբերելը գիտութեան բուն արմատ է,
Չար, անհամբեր մարդը խելքից աղքատ է.
Շատ դէպքերում խելօքներին կ'ազատէ
Ամեն մի փորձանք է համբերութիւնը.

Չհամբերող մարդը մի վայրկեանի մէջ,
Իւր գլուխը կը ձգի մեծ բանի մէջ.
Դրուած է և՛ սուրբ Աւետարանի մէջ.
Մարդու համար կեանք է համբերութիւնը.

Անխելք մարդու բան է շուտ բարկանալը,
Իզուր տեղը կուր դաւի բանալը.
Մի օր կ'ընկնի, դժուար է վերկենալը,
Հասկացողին թանգ է համբերութիւնը.

Աշխատիր համբերել դու քո կեանքի մէջ.
Այդ բանը կը գտնես դու գրեանքի մէջ.
Թէև չկայ տասը պատուիրանքի մէջ,
Բայց մեծ պատուիրանք է համբերութիւնը.

Ղևոնդ. համբերութեամբ արար-աշխարհքի,
Ամեն մի գործերը դնուում է կարգի.
Համբերութեամբ մարդս հասնում է փառքի,
Մեծ փառք ու պարծանք է համբերութիւնը.



ՍՈՒՏ ԱՂԽԱՐՀ



Լսիր պատմեմ քո ամենայն գործերը,
 Ո՛վ խաբերայ և անցաւոր սուտ աշխարհ:
 Քո գործած անիրաւ՝ ունայն գործերը,
 Ողջ էլ կուգան ու կը անցնեն շուտ աշխարհ:
 Քո չար սերմը մեր մէջն էլ ցանեցիր,
 Մեր ամեն գործերը դուն խափանեցիր,
 Մեզ մեր քաղցր հայրենիքից հանեցիր,
 Տարար և ձգեցիր հեռու մութ, աշխարհ:
 Սատանան դնելով քո մէջ իւր բոյնը,
 Օձի կերպարանքով թափել է թոյնը,
 Արդէն սևացել է քո կարմիր գոյնը,
 Մեզ օրեր ես տալիս սև՝ կապուտ, աշխարհ:
 Ում հետը որ քաղցր բարե ես տալիս,
 Նորան քաղցր կեանք ու արե ես տալիս,
 Ոմանց այգիներին անձրև ես տալիս,
 Ոմանց էլ տալիս ես քար, կարկուտ, աշխարհ:
 Ոմանց մահացնում ես դեռ քսան ամաց,
 Ծնողացը տալիս սուգ, շիւան ու լաց,
 Ոմանց կուտաս հարստութիւն առան հաց,
 Ոմանց չես էլ տալի քիչ մը կուտ, աշխարհ:
 Հաստատ երևում է որ անիրաւ ես,
 Մեզ համար մեծ անտանելի մի ցաւ ես,
 Էլ ո՞նց ասեմք կեցցես աշխարհ դու լաւ ես,
 Երբ որ գործեր չունիս արդար՝ դուտ, աշխարհ:
 Մարդ չմնաց քեզանում ձեռ ձգեցիր,
 Ամենքի վերայ ծանր, բեռ ձգեցիր:

Բոլորին էլ խփեցիր վեր ձգեցիր,
 Հազար անգամ վնայ քեզ, վնայ հոգուդ, աշխարհ:

Անիրաւ, շատ էլ որ դու յոյժ զօրով ես,
 Միթէ պէտք է խեղճին այրես խորովես,
 Իմաց, այդ է իսկ պատճառն որով ես՝
 Քեզ կոչում եմ անխիղճ և անգութ, աշխարհ:

Լաւ իմանաս, կայ քեզանից ուժեղը,
 Որ կարող է դնել վզիդ քո մեղը,
 Որի առաջ դու կ'ընկնես յոյժ նեղը,
 Եւ կը դառնաս նորա հանդէպ ճուտ, աշխարհ:

Շատ մարդիկ էլ քեզանից սովորեցին,
 Տուին իրար օտի տակը փորեցին,
 Պարզ ջրերդ խառնեցին պղտորեցին,
 Որդիքդ անիրաւ և պլուտ, աշխարհ:

Էլ քո մէջը բարի սերմեր չեն բուսնի,
 Մարդիկ իրանց նպատակին չեն հասնի:
 Շատ մարդիկ էլ քո երեսից չեն տեսնի,
 Ուրախ դատիկ, ուրախ տարեմուտ, աշխարհ:

Պատճառն որ՝ փոխարկուել է քո սեռը,
 Միջիդ ծնուել յայտնուել է չար նեռը,
 Այսուհետ թէ լաւ մարդ ընկաւ քո ձեռը,
 Պիտի թողնես տկար, ուրեան, լութ, աշխարհ:

Թէ իմանաս՝ մենակ ես չեմ քեզ պտոււմ,
 Վատ գործերդ վրադ մէկ-մէկ հաստատում,
 Ողջ երկիրն է քո ձեռիցդ դանդատում,
 Արևելից մինչև արևմուտ, աշխարհ:

Ղևոնդս խեղճ, պանդուխտ, օտարական եմ,
 Տուն ու տեղից զրկուած թափառական եմ,
 Արդէն ուղիղ քսանութ տարեկան եմ,
 Չեմ տեսել քեզանից մէկ օգուտ, աշխարհ:

ԺԼԱՏ ՀԱՐՈՒՍՏ.



Ելաւ հարուստ, ահանջ արա իմ խօսքին,
 Աշխատիր շուտով տես ճարը քո գլխին.
 Քեզ չի փրկիլ եղբայր՝ արծաթն ու ոսկին,
 Երբ որ մթնի այս աշխարհը քո գլխին:

Քո փողերը ինչքան որ շահ կը բերէ,
 Այնքան էլ քո մէջը թամահ կը բերէ.
 Վաղ կամ թէ ուշ՝ մի օր էլ մահ կը բերէ,
 Այդ անհաշիւ մեծ գումարը քո գլխին:

Քառսունդ անցել է, կեանքիդ կիսումն ես,
 Դեռ ևս ոչ պատում, ոչ ուտիսումն ես.
 Միչաւ նայիր, հոգևով՝ մարմնով տես ունն ես,
 Պտտվում է չար բէլեարը քո գլխին:

Քանի չէ կտրուել կենացդ թելը,
 Բաժանիր աղքատաց գանձիդ աւելը.
 Թոյլ տուր հոգիդ առնի սուրբ Գաբրիէլը,
 Մի թողնիր որ կանգնի չարը քո գլխին:

Ինչքան ոսկի արծաթի հետ հաշտանաս,
 Այնքան պիտի ծռուես՝ կռապաշտանաս.
 Մահուան վերջին օրը՝ դու կը կշտանաս,
 Երբ որ ածեն հողն ու քարը քո գլխին:

Մի օր գլխիդ կը խաւարուի արևը,
 Կը հանես սպիտակ, կը հագնես սևը.
 Կը գայ հոգիդ կը քաշքշէ չար դևը,
 Կը տարածէ մութ խաւարը քո գլխին:

Ղևոնդ, ժլատ մարդը չի խրատուիլ խօսքով,
 Թէկուզ ման տաս Լօնդօն, Փարիզ ու Մօսկով.
 Նա խիստ զբաղուած է արծաթով ոսկով,
 Լաւ է կարգաս դու այդ ճառը քո գլխին:

ՍՈՒՍԿ, ԵՐԳԷ՛ ՆՈՐ ԵՐԳԵՐԴ.



Սխակ, երգէ նոր երգերդ,
 Քո նոր բացուած վարդիդ համար.
 Մինչ երբ մնան խոր վերքերդ՝
 Յաւով լցուած վարդիդ համար:

Նստած ես վարդենայ թփում,
 Ար՛ւն արտասուք ես թափում,
 Երբեմն աչքերդ խփում,
 Զգում ես ցած վարդիդ համար:

Վարդիդ մէջը մտել է խար,
 Միթէ քեզի չունես խարար.
 Երգիր սոխակ, կանչէ հաւար,
 Տուր սուգ ու լաց վարդիդ համար:

Վարդդ իւր կարմիր թշերով,
 Շրջապատուել է վշերով.
 Առաւօտեան վաղ գիշերով,
 Կանչիր Աստուած վարդիդ համար:

Նորա վերայ շինիր բունդ,
 Նա է քո կենդանութիւնդ.
 Աշխատիր չտանէ քունդ,
 Միշտ արթուն կաց վարդիդ համար:

Սոխակ, բաց քո կուրծքն քնքոյլ,
 Վարդիդ համար թող խփեն փուշ.
 Մի խնայիր կեանքդ, անուշ՝
 Հոտով լցուած վարդիդ համար:

Հոտով վարդիդ վերայ բազմիր,
 Բոլորքդ ծաղկունքով կազմիր.

Խարը դալուց պատերազմիր,
Ձոհուիր սիրած վարդիդ համար:

Խաչպանեանցն եմ քեզ հարազատ,
Դարդներս իրար համեմատ.
Տալիս եմ քեզ անկեղծ խրատ,
Լեր անձնուրաց վարդիդ համար:



ՕՏԱՐՈՒԹԻՒՆ.



Վ դու անգութ օտարութիւն
Ես քո սիրտը քար եմ տեսել,
Քեզ ցանկալն է յիմարութիւն,
Քեզ անէյթիբար եմ տեսել:

Շատ եմ տանջուել ես քո ձեռով,
Հարուստ ես խայթող օձերով,
Հրդեհի պէս լի բոցերով,
Կրակդ միշտ վառ եմ տեսել:

Դու բուն ես սիրահարների,
Տուն ես քանդել հաղարների.
Քո մէջ երիտասարդների
Կեանքը բարակ լ'ը եմ տեսել:

Ձունիս դու հանգիստ օթեան,
Ոչ բարեկամ, ոչ հարեան.
Գիշերներդ սուգ ու շիւան,
Օրերդ խաւար եմ տեսել:

Շատ մարդիկ ես արել դերի,
Խորհուրդները թողել թերի.
Ես շատ պանդուխտ օտարների,
Ուխտը անկատար եմ տեսել:

Շատին էլ գլուխը կենդան,
Իջեցրել ես գերեզման.
Ոչ քո տուած դարդին դարման,
Ոչ էլ ցաւին ճար եմ տեսել:

Ով պատահմամբ ընկնի քո ծոց,
Շատ կը տեսնէ սուգ, լաց ու կոծ.
Յետ դառնարու չես տալ միջոց,
Միջոցդ երկար եմ տեսել:


Դու քեզ դիմողներին կուտաս.
Հոգս ու ցաւեր՝ մէկի տեղ տաս.
Ես քեզանում շատ պատուհաս,
Եւ շատ պատահար եմ տեսել:

Տարիներով մնացել եմ,
Քո մէջ շատ անգամ լացել եմ,
Ամեն բանդ իմացել եմ,
Գործդ անարդար եմ տեսել:

Քո ողջ գործերդ է դժուար,
Մարդուն կանէ մոլոր, շուար.
Ով չի եղել պանդուխտ օտար,
Ձի ասի թէ աշխարհ եմ տեսել:

Հոգս ու ցաւերդ անհամար,
Գետի պէս վազում են վարար.
Ես քեզանում միշտ մուղարար,
Իմ ջանս տկար եմ տեսել:

Ես Ղևոնդն եմ քեզի ճանանչ,
Ճիւղերս չթողիր կանանչ,
Գնահեռն ու անամանչ,
Քեզնից շատ զարար եմ տեսել:



ՉԵԿԱԻ ԵՍՐՍ, ՉԵԿԱԻ.



Չմբողջ տարին սպասեցի,
Չեկաւ եարս, չեկաւ.
Ամիսներով ես սպասեցի,
Չեկաւ եարս, չեկաւ:

Արդէն լրանում է տարին,
Սպասում եմ ես իմ եարին.
Աչքս մնաց ճանապարհին,
Չեկաւ եարս, չեկաւ:

Շատ նայելով աչքս ճղուեց,
Գլխիս հող ու մոխիր մաղուեց.
Չգիտեմ ինչով զբաղուեց,
Չեկաւ եարս, չեկաւ:

Միթէ ուրիշին խաբուեցաւ,
Այս ինչ կրակ էր թափուեցաւ.
Ճանապարհները կապուեցաւ,
Չեկաւ եարս, չեկաւ:


Ճանքէքին երկար նայելով,
Մնացի գլխիս վայելով.
Մեռայ ծով ու պահք պահելով,
Չեկաւ եարս, չեկաւ:

Գնալով ցաւս զօրացաւ,
Սրախ վերքերը խորացաւ,
Միթէ ինձի շուտ մոռացաւ,
Չեկաւ եարս, չեկաւ:

Ա՛խ ո՞վ արաւ այսպէս դիւան,
Որ միշտ անեմ լաց ու շիւան.
Թառամեցի ջահիլ ջիւան,
Չեկաւ եարս, չեկաւ:

Ով որ գիտէ եարն ինչ է,
Դիտէ ցաւիս ճարն ինչ է.
Առանց եար աշխարհն ինչ է,
Չեկաւ եարս, չեկաւ:

Ես Ղևոնդն եմ ջար կանչելով,
Ման կուգամ հաւար կանչելով,
Մեռայ լալով ետր կանչելով,
Չեկաւ եարս, չեկաւ:



Ս Ի Ր Տ Ս.



Տամբերելով ամէն բան էլ կը լինի,
Մի բարկանար, դու համբերիր միշտ սիրտս.
Էլի համբերելով տանել կը լինի,
Ամեն մի նեղութիւն, ցաւ ու վիշտ սիրտս:

Եթէ շատ բարկանաս, քեզի կը պատուես,
Բարալիկ ապակիդ շուտով կը կտրես.
Ինքդ քո ձեռքովդ կեանքդ կը կտրես,
Աշխարհիցը կը տաս հրաժեշտ սիրտս:

Համբերութեամբ գործդ քիչ-քիչ առաջ տար,
Վերջը կը գտնես քեզ մի ելք՝ ճանապարհ,
Այն ժամանակ քեզի ամեն մի դժուար՝
Գործերն էլ կը թուին դիւրին՝ հեշտ սիրտս:

Գիտես, չար թշնամին եթէ որ բաշքէ,
Քեզ կը խփէ, կը ջարդէ ու կը փշքէ.
Դու ամեն գործ ուղիղ դատէ ու կշռէ,
Կշիռդ պահպանէ ուղիղ՝ ճիշտ սիրտս:

Սիրաս, այս անգամ ինձ լսելու եկ դու,
Համբերութեամբ գործիր, գիշեր ցերեկ դու
Եղիր բարի, և մի կենար երբէք դու՝
Ոչ ոքի հետ խռով՝ ամբարիշտ սիրտս:

Քո պապերից մնացած սուրբ աւանդը,
Պահիր ինչպէս ջաւահիր, ադամանդը.
Որով և խեղճ ողորմելի Անոնդը,
Դարձել է երգիչ կամ երաժիշտ սիրտս:

ԵՍ ՍԻՐՈՒՄ ԵՄ.



Ես սիրում եմ այնպէս մարդուն, որ իւր խօսքին
միշտ հաստատ է,
Ես չեմ սիրում այնպէս մարդուն, որ խաբեբայ է՝ միշտ
վատ է.
Իրա խօսքին հաստատ մարդը՝ կը վայելէ շատ բարեքներ,
Խաբեբայ, սուտ խօսող մարդը՝ վատ է, և խելքից ազքատ է:

Ես սիրում եմ այնպէս մարդուն, որ խօսք կտայ՝ էլ չի
փոխիլ.
Այնպէս մարդն բարի կը լինի, չար ճանապարհ ոտ չի կոխիլ.
Ես սիրում եմ այն մարդուն, որ իւր խօսքն փողով չի
ծախիլ,
Այնպէս մարդն ճշմարիտ է և ճշմարտութեան արմատ է:

Ես չեմ սիրում այնպէս մարդուն, որ լեզուն չար է՝
բարի չէ,
Այնպէս մարդն վրասակար՝ թունաւոր օձ, և կարիճ է.
Ես չեմ սիրում այն մարդուն, որ գործումն քաջ և արի չէ,
Այնպէս մարդու հոգս ու ցաւը՝ անքանակ ու անփարատ է:

Ես սիրում եմ այնպէս մարդուն, որի խօսքն ճշմարիտ է,
ճշմարտախօս մարդն անգին՝ ջաւահիր ու մարդարիտ է.
Ես սիրում եմ այն մարդուն, որ իմաստուն՝ բայց միամիտ է,
Այնպէս մարդն չարից և չար՝ փորձանքներից միշտ ազատ է:

Ես չեմ սիրում այնպէս մարդուն, որ մտքումը ոխ կը պահի,
Այնպէս մարդն իւր՝ ընկերի՝ վրայ վատ աչքով կը նայի.
Ես չեմ սիրում այն մարդուն, որ ընկերից բան կը խնայի,
Այնպէս մարդն քարասիրտ է, անողորմ է և ժլատ է:

Ես սիրում այն մարդուն որ՝ հիւրասէր և մարդասէր է,
Այնպէս մարդն կը կանաչէ, կճաղկէ, պտուղ կը բերէ.
Ես սիրում եմ այն մարդուն, որ նեղեալներին, որբին
տէր է,
Այնպէս մարդն ողորմած է, ձեռքն բաց է և առատ է:

Ես չեմ սիրում այն մարդուն որ՝ չի ունենալ բարի նպատակ,
Այնպէս մարդը ուրիշներին՝ չի լինիլ բարի օրինակ.
Ես չեմ սիրում այն մարդուն, որ չի սիրիլ թողնել յիշատակ,
Այնպէս մարդն թէ ժլատ է, և ժլատին համեմատ է:

Ես սիրում եմ այն մարդուն, որ մայրն սուրբ հոգւով
լցուեցաւ,

Այնպէս մարդն երբ որ ծնուաւ, իւր հօր համր լեզուն
բացաւ:

Ես սիրում եմ այն մարդուն, որ Տէրն ի նմանէ մկրտեցաւ,
Այնպէս մարդն զօրաւոր է, եօթը անունով՝ մի հատ է:

Ես չեմ սիրում այն մարդուն, որ զուր տեղը մարդ
կնախատէ,

Այնպէս մարդն մի ընկերից՝ միւսին սուտ կը գանգատէ:
Ես չեմ սիրում այն մարդուն, որ մարդ կմատնէ կամ

կատէ,
Այնպէս մարդն ինչպէս Յուդա՝ անիրաւ ու անհաւատ է:

Ես սիրում եմ այնպէս մարդուն, որ ինքն էլ մեղի սիրեց,
Այնպէս մարդն եկաւ աշխարհ, զսհուեց մեղ համար՝ խաչ

կրեց:
Ղևոնդս սիրում եմ այն մարդուն, որ մեղի սահման օրէնք,
դրեց,

Այնպէս մարդն երկնքումն է, Նա անմեղ ու անարատ է:

*
* *



այս արեգակս վայր ընկաւ, հողին հաւասար դառաւ,
Աշխարհս մթնեց ինձ համար՝ ցերեկ և գիշեր չկայ,

Օրէց օր դարդս շատացաւ, հարիւր ու հազար դառաւ,
Կրում եմ ես գիշեր ցերեկ, իմ ցաւերիս վերջ չկայ:

Ո՞ւր է այն դարդիմաց մարդն՝ որ հարցնի դարդ իմանայ,
Կրէ ինձ հետ իմ կրածն, տարիներ ու դար դիմանայ:

Թէ ցաւս պատմեմ մէկի մօտ, պէտք է հազար մարդ
իմանայ,

Ձկնյ, մի այնպէս բարեկամ, սրտակից ընկեր չկայ:

Խաբեբայ, սուտ խօսող մարդն՝ աշխարհումս շատացել է,
Սուտն ամեն տեղ տարածուել՝ չարն խիտ արմատացել է,
Մեծ ու փոքր չեն ճանաչում, ժամանակն վատացել է,
Քաշուել է խէր բարաքաթը, այսուհետև խէր չկայ:

Մէկ-մէկու խօսք են տալիս, խօսքի վերայ հաստատ չեն,
Մի աւաղանի որդիք են, մէկ-մէկու հարազատ չեն:
Այդ պատճառով էլ աշխարհի՝ փորձանքներից ազատ չեն:
Նեւը ծնուել է ոմանց մէջ՝ մարգկութեան պատկեր չկայ:

Փոքրները մեծի վերայ ձեռք են բարձրացնում,
Եղբայր եղբօր՝ որդին հօրը՝ էլ չէ ուրախացնում,
Ամեն մէկն իւր կամքին է, ո՞վ է պտրում, հարցնում,
էլ մեծ չկայ, փոքր չկա, շահել չկայ, ծեր չկայ:

Իրար վրայ սուտ-սուտ խօսում՝ սուտ խօսքեր են հաս-
տատում,

Ոչ իրար հաւատ ընծայում՝ ոչ իրար են հաւատում,
Իրար համար սուտ վկայում, կաշառք, երգում են ուտում,
Վերացել է խղճմտանքը, յոյս ու հաւատ սէր չկայ:

Տիրոջ խօսքերին չեն լսում, չէ խօսում ամեն բերան,
Հոգիքն ծախում են փողով, մտացել են պատուիրան,
Ամեն մարդ էլ աշխատում է՝ քաշել տանել դէպ իրան,
Մէկ-մէկու բարին կամեցող, ողորմած սրտեր չկայ:

Ի՞նչ կը լինի նեղ օրերում՝ ձեռ հասցնես եղբօրդ,
Կարեացդ չափ՝ օգնես նորան, որքան կպատէ զօրդ:
Կուր որ զրկում ես եղբօրդ, ու անպատուում ես հօրդ,
Գնա որ զրկում կամ վախենում, միթէ գլխիդ Տէր չկայ:
Ձեռ ամաչում կամ վախենում,

Ո՞վ հարուստներ, աղքատներին պաշտպանեցէք պահեցէք,
Տխուր, տրտում անձանց սրտեր՝ սփոփեցէք շահեցէք,
Ո՞վ փոքրներ, դուք ծերերին՝ հնազանդուեցէք նայեցէք,
Այնպէս արէք ձեր գարունը՝ գլխներիդ ձմեռ չգայ:

Ո՛վ մարդասէր Տէր Աստուած իմ, միայն Քեզի յուսած եմ,
Փութն փրկել ինձ փորձանքից, ես շատ տարակուսած եմ,
Ղևոնդոս լուծածաղկի պէս՝ դաշտում մենակ բուսած եմ,
Այրվում եմ վառ արևի տակ, վրէս մէկ ստուեր չկայ:



||

Ա. Ն. Գ. Ո. Ի. Թ. Ա. Ղ. Ջ. Ի. Կ.



նգնութ աղջիկ, անաստուած,
Ինձի սէր թողիր գնացիր.

Սիրաս հոգս ու ցաւով լցուած,
Հարիւր, բիւր թողիր գնացիր:

Ձիգարս սրով ծակեցիր,

Սրտիս մէջը կրակեցիր.

Բերանս իսպառ փակեցիր,

Լեզուս լուռ թողիր գնացիր:

Մինչև ծաղկեցիր ծլեցիր,

Սիրտ ու ջիգարս հալեցիր.

Ուրախութիւնս խլեցիր:

Ինձ տխուր թողիր գնացիր:

Դու էիր լոյսն իմ աչաց,

Նոր ծրած ծաղկած, կանաչած.

Ձեռքերս ծոցումս խաչած,

Վիզս ծուռ թողիր գնացիր:

Աչքս միշտ քո ճանապարհին,

Կուլայ արտասուք ու արին.

Ղևոնդի պէս խեղճ օտարին,

Տուիր սուր՝ թողիր գնացիր:



* *



ողով սրտով սիրած եարս,
Չտուին ինձ՝ չհաս արին.
Դանակով սիրտ ու ջիգարս,
Կտրատեցին, մաս-մաս արին:

Թշնամիք շուրջս պատեցին,
Ինձ իմ սիրածից զատեցին.
Անխիղճ անօրէն դատեցին,
Այսպէս մեծ պատուհաս արին:

Հոտաւէտ վարդս քաղեցին,
Օտարի վերայ ծախեցին.
Սիրտ ու ջիգարս դաղեցին,
Ինձի այսպէս վրաս արին:

Հասէք Ղևոնդի հարային,
Մի նայէք փողին փարային,
Ազատեցէք ձեր ծառային,
Սպանեցին, անմաս արին:



* *



տար երկիր ման գալով՝ իմ գրքոյկն գրեցի,
Բայց շատերը չիմացան՝ ունեցած հանգամանքս.
Շատ էլ նեղ օրեր տեսայ, և ոմանց էլ խնդրեցի,
Եւ ոչ ով էլ չլսեց՝ խնդրիք ու աղաչանքս:

Երկար կեանքս կարճանալով՝ քանի գնաց քչացաւ,
 Օտարութեամբ սիրտս հալուեց, անձս մաշուեց փչացաւ,
 Օրէց օր դարդս շատացաւ, ցաւերս չվերջացաւ,
 Ամեն դեղ գործ որի վերքիս, բայց իզուր անցաւ ջանքս:

Կեանքս ան ու վախով գնաց՝ տարիներով անցաւ,
 Կարճ կեանքիս մէջ երբէք չեղայ անդարդ ու անցաւ,
 Յաւն ինձի միշտ չարչարեց հոգևով ու անձաւ,
 Բայց ոչով էլ չնկատեց իմ քաշած չարչարանքս:

Հազար ինն հարիւր թուին՝ փոխուեց իմ դրութիւնս,
 Էլ տանելու հալ չունեցայ, հատաւ համբերութիւնս,
 Այս թուիցն սկսեցի՝ գրել իմ դրութիւնս,
 Երեք ամիս շարունակ, այդ եղաւ աշխատանքս:

Մինչև երեք ամիս տեւեց ցաւս ու նեղութիւնս,
 Լաւ է որ չքայքայուեց և չքանդուեց իմ տունս,
 Մէկ սրտակից ոմն չեղաւ՝ դայ հարցնէ անունս,
 Հանդիպողն էլ՝ յետ էր քաշուում, տեսնելով կերպարանքս:

Չհանդիպեց մի լաւ ընկեր, և ոչ էլ եղբայր ինձի,
 Մոռացան քոյր ու եղբայր, ծնողք հայր ու մայր ինձի,
 Յաւն ուժս պակսեցրեց, ձգեց դէպի վայր ինձի,
 Քանի գնաց աւելացաւ, զօրացաւ տառապանքս:

Յաւն շուտով յաղթեց ինձի և վայր ձգեց անկողին,
 Պատրաստ կացած կսպասէի, մեռնիլ զոհուիլ սև հողին,
 Յանկարծ մի խորն հառաչելով յիշեցի ստեղծողին,
 Նա ուղարկեց ցաւիս ճարը, լսեց իմ հառաչանքս:

Մարդու մէկն այցելեց ինձ, գրութիւնս հարցրեց,
 Խղճաց վրաս, մօտեցաւ ինձ, և օգնութիւն հասցրեց,
 Մեռած սրտիս տխրութիւնը՝ ուրախութեան դարցրեց,
 Վերցրեց անթիւ ցաւերս, նեղութիւն ու տանջանքս:

Նա ինձի քաջ յայտնի է, բարի մարդկանցից մէկն էր,
 Սիրտ տալով ինձ, իմ գալիքն՝ կը խօսէր ու կը մեկնէր,
 Չեռքին ունէր ցաւիս դեղը՝ իմ վերքերիս կը մեկնէր,
 Բժշկուելով նրա ձեռքից՝ ստացայ դեղարանքս:]

Անունս Ղևոնդ է իմ, Դաւաքօղլիանց ցեղէն եմ,
 Շամախույ գաւառի մէջ՝ բնիկ Սաղիան դեղէն եմ,
 Արթիւն-Իւզբաշի Սարգսեան, Խաչպանեանցի տղէն եմ,
 Օտար երկրում անցաւ օրս, զուր գնաց ամբողջ կեանքս:



Գնահատելով իմ փոքրիկ գրքիս, թո՛ւ երգերն տարածիր,
 իմ տխուր ու տրտում սրտիս՝ խոր վերքերն փարատիր։—



Յ Ա Ն Կ

	Երես.
Վերցրու և կարդա՛	3
Ով մարդ	4
Մի՛ պարծենաք	5
Մի ծուլանար	6
Հպարտ մարդուն	»
Ամբարիշտ մարդուն	8
Մարդ կայ	9
Ա՛խ ի՞նչ անեմ ես	10
Քաղցրայ աշխարհ	11
Անիրաւ բաղդ	12
Նամակ իմ սիրելի հայր Յարուժիկէն Խաչպանեանցին, Սա- դեան գիւղի տանուէր	13
Ղօշմայ	16
Երգ	»
Բարամի (կամ Ղօշմա)	17
Աչքի լոյս	18
Գուրեհիդ	19
Սիրոյ երգ	»
Եօթը տարի	20
Պանդխտի կեանքից	21
Այ քեզ օրինակ	23
Աննման աղջիկ	27
Մուխամմազ	28
Մեշտ պարտ ես	29
Կռունկներ	30
Աշխարհումս ես ամբարիշտ՝	32
Լսի՛ր որդեակ	34
Ով թագաւորաց թագաւոր	35
Ով մարդ	37
Յոյս կապէք	38
Մի խօսք ասեմ	39
Սոխակ եմ վարդիս ման կուգամ	41
Ի իրուն կոյս	44

Անուշ սիրական	•	•	•	•	•	•	•	•	•	45
Տեարակս	•	•	•	•	•	•	•	•	•	47
Ով մարդ	•	•	•	•	•	•	•	•	•	49
Ա'ն կը քաշեմ	•	•	•	•	•	•	•	•	•	50
Ես խնդրել եմ	•	•	•	•	•	•	•	•	•	51
Սոխակ	•	•	•	•	•	•	•	•	•	53
Աննաման խանութ	•	•	•	•	•	•	•	•	•	56
Ով մարդ մե բարկանար	•	•	•	•	•	•	•	•	•	57
Սուտ աշխարհ	•	•	•	•	•	•	•	•	•	58
Փլատ հարուստ	•	•	•	•	•	•	•	•	•	60
Սոխակ, երգէ նոր երգերդ	•	•	•	•	•	•	•	•	•	61
Օտարութիւն	•	•	•	•	•	•	•	•	•	62
Չեկաւ եարս, չեկաւ	•	•	•	•	•	•	•	•	•	64
Սիրաս	•	•	•	•	•	•	•	•	•	65
Ես սիրում եմ	•	•	•	•	•	•	•	•	•	66
Լոյս արեգակս	•	•	•	•	•	•	•	•	•	68
Անգութ աղջիկ	•	•	•	•	•	•	•	•	•	70
Հողւով սրտով	•	•	•	•	•	•	•	•	•	71
Օտար երկիր	•	•	•	•	•	•	•	•	•	71



812



ՀՀ Ազգային գրադարան



NL0342469

34449